

宋

史

五六



志卷第一百五十四

宋史二百一

開儀司上舊錄軍事都領等奉

摺

刑法三

天下疑獄讞有不能決則下兩制與大臣若臺諫雜議視其事之大小無常法而有司建議論駁者亦時有焉端拱初廣定軍民安崇緒隸禁兵訴繼母馮與父知逸離今奪資產與己子大理當崇緒訟母罪死太宗疑之判大理張佖固執前斷遂下臺省雜議徐鉉議曰今第明其母馮嘗離即須歸宗否即崇緒準

法處死今詳案內不曾離異其證有四况不孝之刑
教之大者宜依刑部大理寺斷右僕射李昉等四十
三人議曰法寺定斷為不當若以五母皆同即阿蒲
雖賤乃崇緒親母崇緒特以田業為馮強占親母衣
食不給所以論訴若從法寺斷死則知逸何辜絕嗣
阿蒲何地托身臣等議田產並歸崇緒馮合與蒲同
居供侍終身如是則子有父業可守馮終身不至乏
養所犯並準赦原詔從昉等議鉉必各奪奉一月熙
寧元年八月詔謀殺已傷按問欲舉自首從謀殺減
三等論初登州奏有婦阿云母服中聘於韋惡韋醜

陋謀殺不死按問欲舉自首審刑院大理寺論死刑用
違律為婚奏裁敕貸其死知登州許遵奏引律因犯
殺傷而自首得免所因之罪仍從故殺傷法以謀為
所因當用按問欲舉條減二等刑部定如審刑大理
時遵方召判大理御史臺劾遵而遵不伏請下兩制
議乃令翰林學士司馬光王安石同議二人議不同
遂各為奏光議是刑部安石議是遵詔從安石所議
而御史中丞滕甫猶請再選官定議御史錢顥請罷
遵大理詔送翰林學士呂公著韓維知制誥錢公輔
重定公著等議如安石制曰可於是法官齊恢王師

元蔡冠卿等皆論奏公著等所議為不當又詔安石與法官集議反覆論難明年二月庚子詔今後謀殺人自首並奏聽赦裁是月除安石參知政事於是奏以為律意因犯殺傷而自首得免所因之罪仍從故殺傷法若已殺從故殺法則為首者必死不湏奏裁為從者自有編敕奏裁之文不湏復立新制與唐介等數爭議帝前卒從安石議復詔自今並以去年七月詔書從事判刑部劉述等又請中書樞密院合議中丞呂誨御史劉琦錢顥皆請如述奏下之二府帝以為律文甚明不湏合議而曾公亮等皆

以博盡同異厭塞言者為無傷乃以衆議付樞密
院文彥博以為殺傷者欲殺而傷也即已殺者不
可首呂公弼以為殺傷於律不可首請自今已殺傷
依律其從而加功自首即奏裁陳升之韓絳議與安
石略同會富弼入相帝令弼議而以疾病久之弗議
至是乃決而弼在告不預也蘇州民張朝之從兄以
槍戳死朝父逃去朝執而殺之審刑大理當朝十惡
不睦罪死案既上參知政事王安石言朝父為從兄
所殺而朝報殺之罪止加流役會赦應原帝從安石
議特釋朝不問更命呂公著等定議刑名議不稱

安石意乃自具奏初曾公亮以中書論正刑名為非
安石曰有司用刑不當則審刑大理當論正審刑
大理用刑不當即差官定議既不當即中書自宣
論奏取決人主此所謂國體豈有中書不可論正刑
名之理三年中書上刑名未安者五其一歲斷死刑
幾二十人比前代殊多如強劫盜並有死法其間情
狀輕重有絕相遠者使皆抵死良亦可哀若為從情
輕之人別立刑如前代斬右趾之比足以止惡而除
害禁軍非在邊防屯戍而逃者亦可更寬首限以收
其勇力之効其二徒流折杖之法禁網加密良民偶

有抵冒致傷肌體為終身之辱愚頑之徒雖一時創
痛而終無愧耻若使情理輕者復古居作之法遇赦
第減月日使良善者知改過自新凶頑者有所拘繫
其三刺配之法二百餘條其間情理輕者亦可復古
徒流移鄉之法俟其再犯然後決刺充軍其配隸並
減就本處或與近地凶頑之徒自從舊法編管之人
亦送他所量立役作時限無得髡鉗其四令州縣
考察士民有能孝悌力田為衆所知者給帖付身偶
有犯令情輕可恕者特議贖罰其不悛者科決其五
奏裁條目繁多致淹刑禁亦宜刪定詔付編敕所詳

議立法初韓絳嘗請用肉刑曾布復上議曰先王之制刑罰未嘗不本於仁然而有斷肢體刻肌膚乃至於殺戮非得已也蓋人之有罪贖刑不足以懲之故不得已而加之以墨劓荆宮大辟然審適輕重則又有流宥之法至漢文帝除肉刑而定笞薦之令後世因之以為律大辟之次處以流刑代墨劓荆宮不惟非先王流宥之意而又失輕重之差古者鄉田同井人皆安土重遷流之遠方無所資給徒隸困辱以至終身近世之民輕去鄉井轉徙四方固不為患而居作一年即聽附籍比於古亦輕矣况折杖之法於古

為鞭朴之刑刑輕不能止惡故犯法日益衆其終必
至於殺戮是欲輕而反重也今大辟之目至多取其
情可貸者處之以肉刑則人之獲生者必衆若軍士
亡去應斬賊盜贓滿應絞則刖其足犯良人於法應
死而情輕者處以宮刑至於劓墨則用刺配之法降
此而後為流徒杖笞之罪則制刑有差等矣議既上
帝問可否於執政王安石馮京互有論辨迄不果行
樞密使文彥博亦上言唐末五代用重典以救時弊
故法律之外徒流或加至於死國家承平百年當用
中典然猶因循有重於舊律者若僞造官文書律止

流二千里今斷從絞近凡僞造印記再犯不至死者亦從絞坐夫持杖強盜本法重於造印今造印再犯者死而強盜再犯贓不滿五匹者不死則用刑甚異於律文矣請檢詳刑名重於舊律者以敕律參考裁定其當詔送編敕所又詔審刑院大理寺議重贓併滿輕贓法審刑院言所犯各異之贓不待罪等而累併則於律義難通宜如故事而大理寺言律稱以贓致罪頗犯者並累科若罪犯不等者即以重贓併滿輕贓各倍論累併不加重者止從重蓋律意以頻犯贓者不可用二罪以上之法故令累科為非一犯故

令倍論此從寬之一也然六贓輕重不等若犯二贓
以上者不可累輕以從重故令併重以滿輕此從寬
之二也若以重併輕後加重則止從一重蓋為進則
改從於輕法退亦不至於容姦而疏議假設之法適
皆罪等者蓋一時命文耳若罪等者盡數累併不
等者止科一贓則恐知法者足以為姦不知者但繫
臨時幸與不幸非律之本意也帝是大理議行之
八年洪州民有犯徒而斷杖者其餘罪會恩免官
吏失出當劾中書堂後官劉袞駁議以謂律因罪
人以致罪罪人遇恩者準罪人原法洪州官吏當

原又請自今官司出入人罪皆用此令而審刑院大
理寺以謂失入人罪乃官司誤致罪於人難用此令
其失出者宜如袞議元豐三年周清言審刑院刑部
奏斷妻謀殺案問自首變從故殺法舉輕明重斷入
惡逆斬刑竊詳律意妻謀殺夫已殺合入惡逆以按
問自首變從故殺法宜用妻毆夫死法定罪且十惡
條謀與故鬪殺夫方入惡逆若謀而未殺止當不睦
既用舉輕明重宜從謀而未殺法依敕當決重杖處
死恐不可入惡逆斬刑下審刑院刑部叅詳如清議
邵武軍奏讞婦與人姦謀殺其夫已而夫醉歸姦

者自殺之法寺當婦謀殺為從而刑部郎中杜紘議
婦罪應死又興元府奏讞梁懷吉性視出妻之病因
寄粟其子輒取食之懷吉殴其子死法寺以盜粟論
而當懷吉雜犯死罪引赦原而紘議出妻受寄粟而
其子輒費用不入捕法議既上御史臺論紘議不當
詔罰金仍展年磨勘而侍郎崔台符以下三人無所
可否亦罰金八年尚書省言諸獲盜有已經殺人及
元犯強姦強盜貸命斷配之人再犯捕獲有司例用
知人欲告或按問自首減免法且律文自首減等斷
遣者為其情非巨蠹有改過自新之心至於姦盜

與餘犯不同難以例減請強盜已殺人并強姦或元犯強盜貸命若持杖三人以上知人欲告按問欲舉而自首及因人自告應減者並不在減等例初王安石與司馬光爭議按問自首法卒從安石議至是光為相復申前議改焉乃詔強盜按問欲舉自首者不用減等既而給事中范純仁言應寧按問欲舉條並得原減以容姦太多元豐八年別立條制竊詳已殺人強姦於法自不當首不應更用按問減等至於貸命及持杖強盜亦不減等深為太重按嘉祐編敕應犯罪之人因疑被執贓證未明或徒黨就擒未被

指說但詰問便承皆從律按問欲舉首減之科若已
經詰問隱拒本罪不在首減之例此敕當理當時用
之天下號為刑平請於法不首者自不得原減其餘
取嘉祐編敕定斷則用法當情上以廣好生之德下
則無一夫不獲之冤從之又詔諸州鞫訊強盜情理
無可憫刑名無疑慮而輒奏請許刑部舉駁重行朝
典無得用例破條從司馬光之請也光又上言殺人
不死傷人不刑堯舜不能以致治刑部奏鈔交懷耀
三州之民有鬪殺者皆當論死乃妄作情理可憫奏
裁刑部即引舊例貸之凡律令敕式或不盡載則有

司引例以决今鬪殺當死自有正條而刑部承例免死決配是鬪殺條律無所用也請自今諸州所奏大辟情理無可憫刑名無可疑令刑部還之使依法處斷若實有可憫疑慮即令刑部具其實於奏鈔先擬處斷門下省審覆如或不當及用例破條即駁奏取旨勘之元祐元年純仁又言前歲四方奏讞大辟凡二百六十四死者止二十五人所活垂及九分自去年改法至今未及百日所奏按凡一百五十四死者乃五十七人所活纔及六分已上臣固知未改法前全活數多其間必有曲貸然猶不失罪

疑惟軒之仁自改法後所活數少其間必有濫刑則
深虧寧失不經之義請自今四方奏大辟按並令刑
部大理寺再行審覆略具所犯及元奏因依令執
政取旨裁斷或所奏不當亦原其罪如此則無冤
濫之獄又因尚書省言遠方奏讞待報淹繫始令
川廣福建荆南路罪人情輕法重當奏斷者申安
撫或鈐轄司酌情決斷乃奏門下侍郎韓維言天
下奏按必斷於大理詳議於刑部然後上之中書決
之人主近歲有司但因州郡所請依違其言即上中
書貼例取旨故四方奏讞日多於前欲望刑清憲署

難矣自今大理寺受天下奏按其有刑名疑慮情理可憫湏具情法輕重條律或指所斷之法刑部詳審次第上之詔刑部立法以聞崇寧五年詔民以罪麗法情有重輕則法有增損故情重法輕情輕法重舊有取旨之令今有司惟情重法輕則請加罪而法重情輕則不奏減是樂於罪人而難於用恕非所以爲欽恤也自今宜遵舊法取旨使情法輕重各適其中否則以違制論宣和六年臣僚言元豐舊法有情輕法重情重法輕若入大辟刑名疑慮並許奏裁比來諸路以大辟疑獄決于朝廷者大理寺類以

不當劾之夫情理巨蠹罪狀明白奏裁以幸寬貸固
在所戒然有疑而難決者一切劾之則官吏莫不便
文自營臣恐天下無復以疑獄奏矣願詔大理寺並
依元豐法從之紹興初州縣盜起道不通詔應奏裁
者權減降斷遣以聞既而奏讞者多得輕貸官無失
入之虞而吏有鬻獄之利往往不應奏者率奏之三
年乃詔大辟應奏者提刑司具因依繳奏宣州民棄
全二盜擅偕窖錢偕令佃人阮授阮捷殺全二等五
人棄屍水中有司以屍不經驗奏侍御史辛炳言偕
係故殺衆證分明以近降法不應奏諸獄不當奏而

奏者雖不論罪今宣州觀望欲併罪之帝曰若宣州
加罪則實有疑者亦不復奏陳矣於是法寺刑部止
罰金五年給事中陳與義奏有司多妄奏出入人罪
帝為申嚴立法終不悛二十六年右正言凌哲復上
疏曰漢高入關悉除秦法與民約法三章耳所謂殺
人者死實居其首司馬光有言殺人者不死雖堯舜
不能以致治斯言可謂至當矣臣竊見諸路州軍大
辟雖刑法相當者類以可憫奏裁自去歲郊後距今
大辟奏裁者五十餘人中有實犯故殺鬪殺常赦所
不原者法既無疑情無可憫刑寺並皆奏裁貸減彼

殺人者可謂幸矣被殺者銜恨九原何時已邪臣恐
強暴之風滋長良善之人莫能自保其於刑政為害
非細應今後大辟情法相當無可憫者所司輒奏裁
減貸者乞令臺臣彈劾帝覽奏曰但恐諸路減裂實
有情理可憫之人一例不奏有失欽恤之意令刑
部坐條行下馴至乾道讞獄之弊日益滋甚孝宗
乃詔有司緣情引條定斷更不奏裁其後刑部侍
郎方滋言有司斷罪其間有情重法輕情輕法重
情理可憫刑名疑慮命官犯罪議親議故之類難
以一切定斷今後宜於敕律條令明言合奏裁事

件乞並依建隆三年敕文從之六年臣僚請今後大辟只以為首應坐死者奏為從不應坐死者先次決遣及流徒罪不許作情重取旨不然則坐以不應奏而奏之罪從之至理宗時往往讞不時報囚多瘐死監察御史程元鳳奏曰今罪無輕重悉皆送獄獄無大小悉皆稽留或以追索未齊而不問或以供款未圓而不呈或以書擬未當而不判獄官視以為常而不顧其遲獄吏留以為利而惟恐其速奏案申牘既下刑部遲延日月方送理寺理寺者詳亦復如之寺面申部部回申省動涉歲月

省房又未遽為呈擬亦有呈擬而疏駁者疏駁歲月
又復如前展轉遲回有一二年未報下者可疑可矜
法當奏讞矜而全之乃反遲回有矜貸之報下而其
人已斃於獄者有犯者獲貸而干連病死不一者
豈不重可念哉請自今諸路奏讞即以所發月日
申御史臺從臺臣究省部法寺之慢從之而所司
延滯尋復如舊景定元年乃下詔曰比詔諸提刑
司取翻異駁勘之獄從輕斷決而長吏監司多不任
責又引奏裁甚者有十餘年不決之獄仰提刑司
守臣審勘或前勘未盡委有可疑除命官命婦宗

婦宗女及合用蔭入奏裁外其餘斷訖以聞官吏特免收坐一次

凡應配役者傳軍籍用重典者黥其面會赦則有司上其罪狀情輕者縱之重者終身不釋初徒罪非有官當贖銅者在京師則隸將作監役兼役之宮中或輸作左校右校役開寶五年御史臺言居此者雖有其名無復役使遇祠祭供水火則有本司供官望令大理依格斷遣於是並送作坊役之太宗以國初諸方割據公五代之制罪人率配隸西北邊多亡役塞外誘羣為寇乃詔當徒者勿復隸秦州靈武通遠軍及

緣邊諸郡時江廣已平乃皆流南方先是犯死罪獲
貸者多配隸登州沙門島及通州海島皆有屯兵使
者領護而通州島中凡兩處官煮鹽豪強難制者隸
崇明鎮懦弱者隸東州市太平興國五年始令分隸
鹽亭役之而沙門如故端拱二年詔免嶺南流配荷
校執役初婦人有罪至流亦執鍼配役至是詔罷免
之始令雜犯至死貸命者勿流沙門島止隸諸州牢
城舊制僅僕有犯得私黥其面帝謂僅使受庸本良
民也詔盜主財者杖脊黥面配牢城勿私黥之十貫
以上配五百里外二十貫以上奏裁帝欲寬配隸之

刑祥符六年詔審刑院大理寺三司詳定以聞既而
取犯茶鹽鑄錢私鑄造軍器市外蕃香藥挾銅錢
誘漢口出界主吏盜貨官物夜聚為妖比舊法咸
從輕減乾興以前州軍長吏往往擅配罪人仁宗
即位首下詔禁止且令情非巨蠹者湏奏待報又
詔諸路按察官取乾興赦前配隸兵籍者列所坐罪
狀以聞自是赦書下輒及之初京師裁造院募女工
而軍士妻有罪皆配隸南北作坊天聖初特詔釋之
聽自便婦人應配則以妻窯務或軍營致遠務卒之
無家者著為法時又詔曰聞配徒者其妻子流離道

路罕能生還朕甚憐之自今應配者錄具獄刑名及所配地里上尚書刑部詳覆未幾又詔應配者湏長吏以下集聽事慮問後以奏牘煩冗罷錄具獄第以單狀上承進司既又罷慮問焉知益州薛田言蜀人配徒他路者請雖老疾毋得釋帝曰遠民無知犯法終身不得還鄉里豈朕意哉察其情可矜者許還後復詔罪狀擴惡者勿許初令配隸罪人皆奏待報既而繫獄淹久奏請煩數明道二年乃詔有司參酌輕重著為令凡命官犯重罪當配隸則於外州編管或隸牙校其坐死特貳者多杖黥配遠州牢城經恩量

移始免軍籍天聖初吏同時以贓敗者數人悉竄之嶺南下詔申儆在位有平羌縣尉鄭宗諤者受賄枉法抵死會赦當奪官帝問輔臣曰尉奉月幾何豈祿薄不足自養邪王欽若對曰奉雖薄廉士固亦自守特杖宗諤配隸安州其後數懲貪吏至其末年吏知以廉自飾犯法者稍損於舊矣罪人貸死者舊多配沙門島至者多死景祐中詔當配沙門島者第配廣南地牢城廣南罪人乃配領北然其後又有配沙門島者慶曆三年既疏理天下繫囚因詔諸路配役人皆釋之六年又詔曰如聞百姓抵輕罪而長吏

擅刺隸他州朕甚憫焉自今非得於法外從事者毋
得輒刺罪人皇祐中既赦命知制誥曾公亮李絢閱
所配人罪狀以聞於是多所寬縱公亮請著為故事
且請益梓利夔西路就委轉運鈐轄司閱之自後每
赦命官率以為常配隸重者沙門島砦其次嶺表其
次三千里至鄆州其次羈管其次遷鄉斷訖不以寒
暑即時上道吳充建請流人冬寒被割上道多凍
死請自今非情理巨蠹遇冬月聽留役本處至春
月遣之詔可熙寧二年比部郎中知房州張仲宣
嘗檄巡檢體究金州金院無甚利土人憚興作以

金八兩求仲宣不差官及事覺法官坐仲宣枉法
贓應絞援前比貸死杖脊黥配海島知審刑院蘇
頌言仲宣所犯可比恐喝條且古者刑不上大夫仲
宣官五品有罪得乘車今刑為徒隸其人雖無足矜
恐汚辱衣冠爾遂免杖黥流賀州自是命官無杖
黥法六年審刑院言登州沙門砦配隸以二百人為
額餘則移置海外非禁姦之意詔以三百人為額廣
南轉運司言春州瘴癘之地配隸至者十死八九願
停配罪人詔應配沙門島者許配春州餘勿配既
而諸配隸除凶盜外少壯者並寘河州止五百人

初神宗以流人去鄉邑疾死於道而護送禁卒往來
勞費用張誠一之議隨所在配諸軍重役後中丞黃
履等言罷之凡犯盜刺環於耳後徒流方杖圓三犯
杖移於面徑不過五分元祐六年刑部言諸配隸沙
門島強盜殺人縱火賊滿五萬錢強姦毆傷兩犯至
死累賊至二十萬錢謀殺致死及十惡死罪造蠱已
殺人者不移配強盜徒黨殺人不同謀賊滿二十五
萬遇赦移配廣南溢額者配隸遠惡餘犯遇赦移配
荆湖南北福建路諸州溢額者配隸廣南在沙門島
滿五年遇赦不該移配與不許縱還而年及六十以

上者移配廣南在島十年者依餘犯格移配篤疾或年及七十在島三年以上移配近鄉州軍犯狀應移而老疾者同其永不放還者各加二年移配後又定令沙門島已溢額移配瓊州萬安軍昌化朱崖軍紹聖三年刑部侍郎邢恕等言藝祖初定天下主典自盜贓滿者往往抵死仁祖之初尚不廢也其後用法稍寬官吏犯自盜罪至極法率多貸死然甚者猶決刺配島錢仙芝帶館職李希甫歷轉運使不免也比朝廷用法益寬主典入吏軍司有犯例各貸死略無差別欲望王講述祖宗故事凡自盜計

贓多者間出廩斷以肅中外詔今後應枉法自盜罪至死贓數多者並取旨或患加役流法大重官有監驅之勞而道路有奔亡之慮蘇頌元豐中嘗建議請依古圜土取當流者治罪訖髡首鉗足晝則居作夜則置之圜土滿三歲而後釋未滿歲而遇赦者不原既釋仍送本鄉譏察出入又三歲不犯乃聽自如時未果行崇寧中始從蔡京之請令諸州築圜土以居強盜貸死者晝則役作夜則拘之視罪之輕重以為久近之限許出圜土充軍無過者縱釋行之二年其法不便迺罷大觀元年復行四年復罷南渡後諸

配隸祥符編敕止四十六條慶曆中增至百七十
餘條至於淳熙又增至五百七十條則四倍於慶曆
矣配法既多犯者日衆黥配之人所至充斥淳熙十
一年校書郎羅點言其太重乃詔刑寺集議奏聞
至十四年未有定論其後臣僚議以為若止居役
不離鄉井則幾惠姦不足以懲惡若盡用配法不
恤黥刺則面目一壞誰復顧藉強民適長威力有
過無由自新檢照元豐刑部格諸編配人自有不移
不放及移放條限政和編配格又有情重稍重情輕
稍輕四等若依倣舊格稍加參訂如入情重則倣舊

刺面用不移不放之格其次稍重則止刺額角用配及十年之格其次稍輕則與免黥刺用不刺面役滿放還之格其次最輕則降為居役別立年限縱免之格黨有從坐編管則置之本城減其放限如此則於見行條法並無抵牾且使刺面之法專處情犯凶蠹而其他偶麗於罪皆得全其面目知所顧藉可以自新省黠徒銷姦黨誠天下之切務即詔有司裁定其後迄如舊制嘉泰四年臣僚言配隸之人蓋有兩等其鄉民一時鬪毆殺傷及胥徒犯贓貸命流配等人設使逃逸未必能為大過止欲從徒配本

州牢城重役限滿給據復為良民至於累犯強盜及聚衆販賣私商曾經殺傷捕獲之人非村民胥吏之比欲並配屯駐軍立為年限限滿改刺從正軍從之其所配之地自高宗來或配廣南海外四州或配淮漢四川迄度宗之世無定法皆不足紀也

凡内外所上刑獄刑部審刑院大理寺參主之又有糾察在京刑獄司以相審覆官制既行罷審刑糾察歸其職於刑部四方之獄則提點刑獄統治之官司之獄在開封有府司左右軍巡院在諸司有殿前馬步軍司及四排岸外則三京府司左右軍巡院諸州

軍院司理院下至諸縣皆有獄諸獄皆置樓牖設幕鋪席時具沐浴食令溫暖寒則給薪炭衣物暑則五日一滌枷杻郡縣則所職之官躬行檢視獄弊則脩之使固神宗即位初詔曰獄者民命之所繫也比聞有司歲考天下之奏而多瘐死深惟獄吏並緣為姦檢視不明使吾元元橫罹其害書不云乎與其殺不辜寧失不經其具為令應諸州軍巡司院所禁罪人一歲在獄病死及二人五縣以上州歲死三人開封府司軍巡歲死七人推吏獄卒皆杖六十增一人則加一等罪止杖一百典獄官如推獄經兩犯即坐從違

制提點刑獄歲終會死者之數上之中書檢察死者過多官吏雖已行罰當更黜責未幾復詔失入死罪已決三人正官除名編管貳者除名次貳者免官勒停吏配隸千里二人以下視此有差不以赦降去官原免未決則比類遞降一等赦降去官又減一等令審刑院刑部斷議官歲終具嘗失入徒罪五人以上京朝官展磨勘年幕職州縣官展考或不與任滿指射差遣或罷仍即斷絕支賜以前法未備故有是詔又嘗詔官司失入人罪而罪人應原免官司猶論如法即失出人罪若應徒而杖罪人應原免者官司乃

得用因罪人以致罪之律帝以國初廢大理獄非是元豐元年詔曰大理有獄尚矣今中都官有所劾治皆寓繫開封諸獄囚既猥多難於隔訊盛夏疾疫傳致瘦死或主者異見歲時不決朕甚愍焉其復大理獄置卿一人少卿二人丞四人專主鞫訊檢法官二人主簿一人應三司諸寺監吏犯杖笞不俟追究者聽即決餘悉送大理獄其應奏者並令刑部審刑院詳斷應天下奏按亦上之五年分命少卿左斷刑右治獄斷刑則評事檢法丞議正審治獄則丞專推劾主簿掌按籍少卿分領其事而卿總焉六年刑部言舊

詳斷官分公按訖主判官論議改正發詳議官覆議
有差失問難則書於檢尾送斷官改正主判官審定
然後判成自詳斷官歸大理為評事司直議官為丞
所斷按草不由長貳類多差忒迺定制分評事司直
與正為斷司丞與長貳為議司凡斷公按正先詳其
當否論定則簽印注日移議司覆議有辨難乃具議
改正長貳更加審定然後判成錄奏元祐初三省言
舊置糾察司蓋欲察其違慢所以謹重獄事罷歸刑
部無復糾察之制請以糾察職事委御史臺刑察兼
之臺獄則尚書省右司糾察之三年罷大理寺獄初

大理置獄本以囚繫淹滯俾獄事有所統而大理卿
崔合符等不能奉承德意雖士大夫若命婦獄辭小
有連逮輒捕繫凡邇者所探報即下之獄傳會鋟鍊
無不誣服至是台符等皆得罪獄迺罷八年中書省
言昨詔內外歲終具諸獄囚死之數而諸路所上遂
以禁繫二十而死一者不具即是歲繫二百人許以
十人獄死恐州縣弛意獄事甚非欽恤之意詔刑部
自今不許輒分禁繫之數紹聖二年戶部如三司故
事置推勘檢法官應在京諸司事干錢穀當追究者
從杖已下即定斷三年復置大理寺右治獄官屬視

元豐員仍增置司直一員大理卿路昌衡請分大理寺丞為左右推若有讞異自左移右再變即命官審問或御史臺推究不許開封府互勘及地分探報庶革互送挾讐之弊徒已上罪移御史臺命官追攝者悉依條若探報涉虛用情託者並收坐以聞初法寺斷獄大辟失入有罰失出不坐至是以失出死罪五人比失入一人失出徒流罪三名亦如之著為令元符三年刑部言祖宗重失入之罪所以恤刑夫失出臣下之小過好生聖人之大德請罷失出之責使有司諫議之間務盡忠恕詔可政和三年臣僚言遠方

官吏文法既疎刑罰失中不能無冤頑委耳目之官
季一分錄所部囚禁遇有冤抑先釋而後以聞歲終
較所釋多寡為之殿最其微功故出有罪者論如法
詔令刑部立法諸入人徒流之罪已結案而錄問官
吏能駁正或因事而能推正者累及七人比大辟一
名推賞紹興六年令諸鞫勘有情欵異同而病死者
提刑司研究之如寃申朝廷取旨十二年令諸推究
翻異獄毋差初官隣子及新進士擇曾經歷任人二
十七年令監察御史每冬夏點獄有鞫勘失實者照
刑部郎官直行移送二十九年令殺人無證屍不經

驗之獄具案奏裁委提刑審問如有可疑及翻異從
本司差官重勘案成上本路移他監司審定具案聞
奏否則監司再遣官勘之又不伏復奏取旨先是有
司建議外路獄三經翻異在千里內者移大理寺三
十一年刑部以為非祖宗法遂釐正之乾道中諸州
翻異之囚既經本州次檄隣路或再翻異乃移隔路
至有越兩路者官吏旁午於道逮繫者困於追對四
年乃令鞫勘本路累嘗差官猶稱冤者惟檄隣路如
尚翻異則奏裁淳熙三年令縣尉權縣事毋自鞫獄
即令丞簿參之全闕則於州官或隣縣選官權攝

金作贖刑蓋以鞭朴之罪情法有可議者則寬之也
穆王贖及五刑非法矣宋損益舊制凡用官蔭得減
贖所以尊爵祿養廉耻也乾德四年大理正高繼申
上言刑統名例律三品五品七品以上官親屬犯罪
各有等第咸贖恐年代已深不肖自恃先蔭不畏刑
章今犯罪身無官湏祖父曾任本朝官據品秩得減
贖如仕于前代湏有功惠及民為時所推歷官三品
以上乃得請從之後又定流內品官任流外職準律
文徒罪以上依當贖法諸司授勒留官及歸司人犯
徒流等罪公罪許贖私罪以決罰論淳化四年詔諸

州民犯罪或入金贖長吏得以任情而輕重之自今
不得以贖論婦人犯杖以下非故為量輕重笞罰或
贖銅釋之仁宗深憫夫民之無知也欲立贖法以待
薄刑迺詔有司曰先王用法簡約使人知禁而易從
後代設茶酒鹽稅之禁奪民厚利刑用滋革今之編
敕皆出律外又數改更官吏且不能曉百姓安得聞
之一陷于理情雖可哀法不得贖豈禮樂之化未行
而專用刑罰之弊與漢文帝使天下人入粟於邊以
受爵免罪幾于刑措其議科條非著于律者或冒利
犯禁奢侈違令或過悞可憫別為贖法鄉民以穀麥

市人以錢帛使民重穀麥免刑罰則農桑自勸富毒
可期矣詔下論者以為富人得贖而貧者不能免非
朝廷用法之意時命輔臣分總職事以參知政事范
仲淹領刑法未及有所建明而仲淹罷事遂寢至和
初又詔前代帝王後嘗仕本朝官不及七品者祖父
母父母妻子罪流以下聽贖雖不仕而嘗被賜予者
有罪非巨蠹亦如之隨州司理參軍李抃父歐人死
抃上所授官以贖父罪帝哀而許之君子謂之失刑
然自是未嘗為比而終宋之世贖法惟及輕刑而已
恩宥之制凡大赦及天下釋雜犯死罪以下甚則常

赦所不原罪皆除之凡曲赦惟一路或一州或别京或畿内允德音則死及流罪降等餘罪釋之間亦釋流罪所被廣狹無常又天子歲自錄京師繫囚畿內則遣使往往雜犯死罪以下第降等杖笞釋之或徒罪亦得釋若并及諸路則命監司錄焉初太宗嘗因郊禮議赦有奏再恩者上書願勿赦引諸葛亮佐劉備數十年不赦事帝頗疑之時趙普對曰允郊祀肆眚聖朝彝典其仁如天若劉備區區一方臣所不取上善之遂定赦初太祖將祀南郊詔兩京諸道自十月後犯強竊盜不得預郊祀之赦所在長吏告諭民

無冒法是後將犯必先申明此詔天聖五年馬亮言朝廷雖有是詔而法官斷獄乃言終是會赦多所寬貸惠姦失詔旨遂詔已下約束而犯劫盜及官典受賊勿復奏悉論如律七年春京師雨彌月不止仁宗謂輔臣曰豈政事未當天心耶因言向者大辟覆奏州縣至於三京師至於五蓋重人命如此其戒有司法獄議罪毋或枉濫又曰赦不欲數然捨是無以召和氣遂命赦天下帝在位久明於人之情僞尤惡許人陰事故一時士大夫習爲惇厚久之小人乘間密上書疏人過失好事稍相與唱和又按人赦前事翰

林學士張方平御史呂誨以為言因下詔曰蓋聞治古君臣同心上下協穆而無激許之俗何其德之盛也朕竊慕焉嘉與公卿大夫同底斯道而教化未至澆薄日滋比者中外群臣多上章言人過失暴揚難驗之罪或外託公言內緣私忿詆欺曖昧苟陷善良又赦令者所以與天下更始而有司多舉按赦前之事殆非信命重刑罰使人洒心自新之意也今有上言告人罪言赦前事者訊之至於言官宜務大體非事關朝政自餘小過細故勿湏察舉神宗即位又詔曰夫赦令國之大恩所以蕩滌瑕穢納於自新之地

是以聖王重焉中外臣僚多以赦前事據摭吏民興
起獄訟苟有詐誤咸不自安甚非持心近厚之義使
吾號令不信於天下其内外言事按察官毋得依前
舉劾具按取旨否則科違制之罪御史臺覺察彈奏
法寺有此奏按許舉駁以聞知諫院司馬光言曰按
察之官以赦前事興起獄訟禁之誠為大善至於言
事之官事體稍異何則御史之職本以繩按百僚糾
擿隱伏姦邪之狀固非一日所為國家素尚寬仁數
下赦令或一歲之間至於再三若赦前之事皆不得
言則其可言者無幾矣萬一有姦邪之臣朝廷不知

誤加進用御史欲言則違今日之詔若其不言則陛下
何從知之臣恐因此言者得以藉口偷安姦邪得以放
心不懼此乃人臣之至幸非國家之長利也請追改
前詔刊去言事兩字光論至再帝諭以言者好以赦
前事誣人光對曰若言之得實誠所欲聞若其不實
當罪言者帝命光送詔于中書熙寧七年三月帝以
旱欲降赦時已兩赦王安石曰湯旱以六事自責曰政
事不節與若一歲三赦是政不節矣非所以弭災也
乃止八年編定廢免人叙格常赦則郡縣以格叙用
允三朞一叙即朞未滿而遇非次赦者亦如之元祐

元年門下省言當官以職事墮曠雖去官不免猶可
言至於赦降大恩與物更始雖劫盜殺人亦蒙寬宥
豈可以一事差失負罪終身今刑部所脩不以官赦
降原減條請更刪改徽宗在位二十五年而大赦二
十六曲赦十四德音三十七而南渡之後紹熙歲至
四赦蓋刑政紊而恩益濫矣宋自祖宗以來三歲遇
郊則赦此常制也世謂三歲一赦於古無有景祐中
言者以為三王歲祀圜丘未嘗輒赦自唐興兵以後
事天之禮不常行因有大赦以蕩亂獄且有罪者寬
之未必自新被害者抑之未必無怨不能自新將復

為惡不能無怨將悔為善一赦而使民悔善長惡政
教之大患也願罷三歲一赦使良民懷惠凶人知禁
或謂未可盡廢即請命有司前郊三日理罪人有過
誤者引而赦之州縣湏詔到倣此疏奏朝廷重其事
第詔罪人情重者毋得以一赦免然亦未嘗行

志卷第一百五十四

志卷第一百五十五

宋史二百二

閑署儀同司上贊鑾輿國事前書右丞相樞密院史領經筵事都總裁晏脫等奉

勅修

藝文一

易曰觀乎天文以察時變觀乎人文以化成天下文之有關於世運尚矣然書契以來文字多而世代日降秦火而後文字多而世教日興其故何哉蓋世道升降人心習俗之致然非徒文字之所為也然去古既遠苟無斯文以範防之則愈趨而下矣故由秦而降每以斯文之盛衰占斯世之治忽焉宋有天下先

後三百餘年考其治化之汚隆風氣之離合雖不足以擬倫三代然其時君汲汲於道藝輔治之臣莫不以經術為先務學士搢紳先生談道德性命之學不絕于口豈不彬彬乎進於周之文哉宋之不競或以為文勝之弊遂歸咎焉此以功利為言未必知道者之論也歷代之書籍莫厄於秦莫富於隋唐隋嘉則殿書三十七萬卷而唐之藏書開元最盛為卷八萬有奇其間唐人所自為書幾三萬卷則舊書之傳者至是蓋亦鮮矣陵遲逮于五季干戈相尋海寓鼎沸斯民不復見詩書禮樂之化周顯德中始有經籍刻

板學者無筆札之勞獲覩古人全書然亂離以來編
帙散佚幸而存者百無二三宋初有書萬餘卷其後
削平諸國收其圖籍及下詔遣使購求散亡三館之
書稍復增益太宗始於左昇龍門北建崇文院而徙
三館之書以實之又分三館書萬餘卷別爲書庫目
曰秘閣閣成親臨幸觀書賜從臣及直館宴又命近
習侍衛之臣縱觀群書真宗時命三館寫四部書三
本置禁中之龍圖閣及後苑之太清樓而玉宸殿四
門殿亦各有書萬餘卷又以秘閣地隘分內藏西庫
以廣之其右文之意亦云至矣已而王宮火延及崇

文祕閣書多煨燼其僅存者遷于右掖門外謂之崇文外院命重寫書籍選官詳覆校勘常以參知政事一人領之書成歸于太清樓仁宗既新作崇文院命翰林學士張觀等編四庫書倣開元四部錄為崇文總目書凡三萬六百六十九卷神宗改官制遂廢館職以崇文院為祕書省祕閣經籍圖書以祕書郎主之編緝校定正其脫誤則主于校書卽徽宗時更崇文總目之號為祕書總目詔購求士民藏書其有所祕未見之書足備觀采者仍命以官且以三館書多逸遺命建局以補全校正為名設官總理募工繕寫

一置宣和殿一置太清樓一置祕閣自熙寧以來搜訪補輯至是為盛矣嘗歷考之始太祖太宗真宗三朝三千三百二十七部三萬九千一百四十二卷次仁英兩朝一千四百七十二部八千四百四十六卷次神哲徽欽四朝一千九百六部二萬六千二百八十九卷三朝所錄則兩朝不復登載而錄其所未有者四朝於兩朝亦然最其當時之目為部六千七百有五為卷七萬三十八百七十有七焉迨夫靖康之難而宣和館閣之儲蕩然靡遺高宗移蹕臨安乃建祕書省於國史院之右搜訪遺闕屢優獻書之賞於

是四方之藏稍稍復出而館閣編輯日益以富矣當時類次書目得四萬四千四百八十六卷至寧宗時續書目又得一萬四千九百四十三卷視崇文總目又有加焉自是而後迄於終祚國步艱難軍旅之事日不暇給而君臣上下未嘗頃刻不以文學為務大而朝廷微而草野其所製作講說紀述賦詠動成卷帙叅而數之有非前代之所及也雖其間鉢裂大道疣贊聖謨幽怪恍惚瑣碎支離有所不免然而瑕瑜相形雅鄭各趣譬之萬泓歸海四瀆可分繁星麗天五緜可識求約於博則有要存焉宋舊史自太祖至

寧宗為書凡四志藝文者前後部帙有亡增損互有
異同今刪其重復合為一志蓋以寧宗以後史之所
未錄者倣前史分經史子集四類而條列之大凡爲
書九千八百十九部十一萬九千九百七十二卷云
經類十一曰易類二曰書類三曰詩類四曰禮類五
曰樂類六曰春秋類七曰孝經類八曰論語類九曰
經解類十曰小學類

周易古經一卷薛貞注歸藏三卷易傳十卷

題卜子夏傳

周易上下經六卷繫辭說卦序卦雜卦三卷

韓康伯注

玄周易文言注義一卷王弼略例一卷易辨一卷阮

嗣宗通易論一卷于寶易傳十卷易髓八卷

晉人撰不知姓

名孔穎達正義十四卷玄談六卷易正義補闕七卷

任正一甘棠正義三十卷關朗易傳一卷王肅傳十

一卷陸德明釋文一卷衛元嵩周易元包十卷

蘇元明傳

李江注李鼎祚集解十卷史文徽易口訣義大卷成玄

英流演窮寂圖五卷蔡廣成啓源十卷又周易外義

三卷沙門一行傳十二卷王隱要削三卷陸希聲傳

十三卷郭京舉正三卷東鄉助物象釋疑一卷邢璹

補闕周易正義略例疏三卷李翶易詮七卷張弧周

易上經王道小疏五卷張韓啓玄一卷青城山人撰

蓍法一卷王昭素易論三十三卷縱康乂周易會通
正義三十三卷陰洪道周易新論傳疏十卷陳搏易
龍圖一卷范諤昌大易源流圖一卷又證墜簡一卷
胡旦易演聖通論十六卷石介口義十卷冀襄周易
義略十卷代淵周易旨要二十卷何氏易講疏十三
卷不著名陸秉意學十卷古易十三卷出王朱言象
外傳十卷劉牧新注周易十一卷又卦德通論一卷
易數鈎隱圖一卷吳祕周易通神一卷黃黎獻畧例
一卷又室中記師隱訣一卷龔鼎臣補注易六卷彭
汝礪易義十卷趙令潛易發微十卷喬執中易說十

卷趙仲銳易義五卷謝湜易義十二卷譚世勣易傳
十卷陸太易周易口訣七卷冀珍周易闡微詩六卷
李贊周易說九卷張果周易因象成名圖一卷裴通
周易玄解三卷邵雍皇極經世十二卷又叙篇系述
二卷觀物外篇六卷門人張潛記雍之言觀物內篇解二卷雍之

溫子伯編

邵伯溫周易辨惑一卷常豫易源一卷徐庸周

易意蘊凡例總論一卷又卦變解二卷宋咸易訓三

卷又易補注十卷又劉牧王弼易辨二卷皇甫必易

解十九卷鄭揚庭時用書二十卷又明用書九卷易

傳辭三卷易傳辭後語一卷陳良獻周易發隱二十

卷石汝礪乾生歸一圖十卷鮑極周易重注十卷葉
昌齡圖義二卷胡瑗易解一十二卷口義十卷繫辭
說卦三卷歐陽脩易童子問三卷阮逸易筌六卷王
安石易解十四卷尹天民易論要纂一卷又易說拾
遺二卷司馬光易說一卷又三卷繫辭說二卷鮮于
侁周易聖斷七卷蘇軾易傳九卷程頤易傳九卷又
易繫辭解一卷張載易說十卷呂大臨易章句一卷
龔原續解易義十七卷又易傳十卷李平西河圖傳
一卷李遇刪定易圖序論六卷張弼易解義十卷顧
叔思周易義類三卷劉熙易繫辭十卷晁說之錄古

周易八卷晁補之太極傳五卷因說一卷太極外傳
一卷游酢易說一卷耿南仲易解義十卷安泳周易
解義一部卷七陳瓘了齋易說一卷鄒浩繫辭纂義二
卷張根易解九卷周易六十四卦賦一卷題頴川陳君作名七林德祖易說九卷陳未易傳十二卷李授之易解通
義三十卷朱震易傳十一卷卦圖三卷易傳叢說一
卷張汝明易索十三卷郭忠孝兼山易解二卷又四
學淵源論三卷任奉古周易發題一卷陳高八卦數
圖二卷林儻易說十二卷變卦八卷變卦纂集一卷
凌唐佐集解六卷袁樞學易索隱一卷夏休講義九

卷郭雍傳家易解十一卷沈該易小傳六卷都絜易
變體十六卷鄭克擣著古法一卷吳沆易璇璣三卷
李椿年易解八卷疑問一卷李光易說十卷李衡易
義海撮要十二卷洪興祖易古經考異釋疑一卷張
行成元包數總義二卷述衍十八卷通變四十八卷
晁公武易詁訓傳十八卷胡銓易傳拾遺十卷程大
昌易原十卷又易老通言十卷楊萬里易傳二十卷
林栗易經傳集解三十六卷李舜臣易本傳三十三
卷曾穜大易粹言十卷呂祖謙定古易十二篇爲一
卷又音訓二卷周易繫辭精義二卷朱熹易傳十一

卷又本義十二卷易學啓蒙三卷古易音訓二卷張
浚易傳十卷倪思易訓三十卷趙善譽易說二卷劉
文郁易宏綱八卷吳仁傑古易十二卷又周易圖說
二卷集古易一卷王日休龍舒易解一卷劉翬易解
六卷胡有開易解義四十卷鄒巽易解六卷鄭剛中
周易窺餘十五卷楊簡已易一卷潘夢旂大易約解
九卷麻衣道者正易心法一卷鄭東卿易說三卷項
安世周易玩辭十六卷程廻易章句十卷又外編一
卷占法古易考一卷林至易裨傳一卷葉適習學記
言周易述釋一卷李椿觀畫二卷王炎筆記八卷鄭

汝諧易翼傳二卷湯羲周易講義三卷樂只道人義

文易論微六卷

姓名

朱氏三宮易一卷名劉烈虛谷

子解卦周易三卷劉牧鄭夫註周易七卷楊文煥五

十家易解四十二卷孫份周易先天流衍圖十二卷

程敦厚序劉半千羲易正元一卷馮椅易學五十卷商飛

卿講義一卷周易卦類三卷易辭微三卷易正經明

疑錄一卷易傳四卷口義六卷易樞十卷繫辭要旨

一卷作者不知易乾鑿度三卷易緯七卷易緯稽覽圖

一卷易通卦驗二卷並鄭玄注流演通卦驗一卷作者不知王

柏讀易記十卷又涵古易說一卷大象衍義一卷曾

幾易釋象五卷劉禹偁易解十卷程達易解十卷戴溪易總說二卷趙汝談易說三卷真德秀復卦說一卷吳如愚易說一卷李光易傳十卷李熹易學五卷又大傳雜說一卷朱承祖易摭卦總論一十卷林起鼈易述古言二卷方實孫讀易記八卷魏了翁易集義六十四卷又易要義一十卷鄭子厚大易觀象三

十二卷

張栻
補注

右易類二百十三部一千七百四十卷

王柏
讀易記
以下不著錄

十九部一百
六卷

尚書十二卷

漢孔安
國傳

古文尚書二卷

孔安
國隸

伏勝大傳

三卷

鄭玄注

汲冢周書十卷

晉太康中於汲郡得之孔晁注

陸德明釋

文音義一卷孔穎達正義二十卷

馮繼先尚書廣疏

十八卷又尚書小疏十三卷尹恭初尚書新修義疏

二十六卷胡旦尚書演聖通論七卷胡瑗洪範口義

一卷蘇洵洪範圖論一卷程頤堯典舜典解一卷王

安石新經書義十三卷又洪範傳一卷蘇軾書傳十

三卷書說一卷程頤門人記孔武仲書說十三卷曾肇書

講義八卷陳諤開寶新定尚書釋文三卷孟先禹貢

治水圖一卷尚書洪範五行記一卷王晦叔周書音

訓十二卷司馬光等無逸講議一卷吳安詩等無逸

說命解二卷劉彊洪範解六卷曾敗等講義三十卷
葉夢得書傳十卷張綱解義三十卷吳致大義三卷
吳棫裨傳十三卷張九成尚書詳說五十卷洪興祖
口義發題一卷陳鵬飛書解三十卷程大昌書譜二
十卷又禹貢論五卷禹貢論圖五卷禹貢後論一卷
晁公武尚書詁訓傳四十六卷史浩講義二十二卷
呂祖謙書說三十五卷黃度書說七卷李舜臣尚書
小傳四卷吳仁傑尚書洪範辨圖一卷陳伯達翼範
一卷朱熹書說七卷黃士毅集林之奇集解五十八卷陳
經詳解五十卷康伯成書傳一卷夏僎書解十六卷

王炎小傳十八卷孫必尚書解五十二卷蔡沈書傳
六卷胡瑗尚書全解二十八卷成申之四百家集解
五十八卷楊玉集尚書義宗三卷三墳書三卷元豐中毛
漸所得 尚書治要圖五卷尚書解題一卷渾灝發旨一
卷並不知作者 王栢讀書記十卷又書疑九卷書附傳四十卷
袁燮書鈔十卷袁覺讀書記二十三卷黃倫尚
書精義六十卷趙汝談書說二卷卞大亨尚書類數
二十卷胡銓書解四卷李肅尚書百篇圖一卷劉翬
書青霞集解二十卷應鏞書約義二十五卷魏了翁
書要義二十卷

右書類六十部八百二卷

王栢讀書記以下不著錄
十三部二百四十四卷

韓詩外傳十卷

漢韓嬰傳漢毛萇為詁
二部二百四十四卷

詩譜三卷

陸璣草木鳥獸蟲魚疏二卷

孔穎達正義

四十卷

陸德明詩釋文三卷

成伯璵毛詩指說統論

一卷

又毛詩斷章二卷

張訢別錄一卷

毛詩正數二

十卷

毛詩釋題二十卷

毛詩小疏二十卷

鮮于侁詩

傳六十卷

李常詩傳十卷

魯有開詩集十卷

胡旦毛

詩演聖通論二十卷

宋咸毛詩正紀三卷

又外義二

卷劉字詩折衷二十卷

蘇子才毛詩大義三卷

周軾

箋傳辨誤八卷

丘鑄周詩集解二十卷

歐陽脩詩本

義十六卷又補注毛詩譜一卷蘇轍詩解集傳二十
卷彭汝礪詩義二十卷趙令潛講義二十卷喬執中
講義十卷毛漸詩集十卷沈銖詩傳二十卷孔武仲
詩說二十卷王商範毛詩序義索隱二卷王安石新
經毛詩義二十卷舒王詩義外傳十二卷新解一卷
程順門人記其師之說
張載詩說一卷趙仲銳詩義三卷游酢
詩二南義一卷范祖禹詩解一卷楊時詩辨疑一卷
茅知至周詩義二十卷蔡卞毛詩名物解二十卷董
正論十卷吳景山十五國風詁解一卷劉泉毛詩判
遁廣川詩故四十卷吳良輔詩重文說七卷劉孝孫

篇一卷吳棫毛詩叶韻補音十卷李樗毛詩詳解四
十六卷晁公武毛詩詁訓傳二十卷呂祖謙家塾讀
詩記三十二卷鄭樵詩傳二十卷又辨妄六卷范處
義詩學一卷又解順新語十四卷詩補傳三十卷朱
熹詩集傳二十卷詩序辨一卷張貴謨詩說三十卷
鄭諤毛詩解義三十卷黃度詩說三十卷吳氏詩本
義補遺二卷名戴溪續讀詩記三卷錢文子白石詩
傳一十卷又詩訓詁三卷黃邦彥講義三卷鮮于戣
詩頌解卷黃櫟詩解二十卷總論一卷林岊講義五
卷三十家毛詩會解一百卷吳純編王安石解義毛詩釋篇目

疏十卷詩疏要義一卷毛詩玄談一卷毛詩章疏二
卷毛詩提綱一卷毛詩名物性門類八卷義方二十
卷釋文二十卷通義二十卷毛鄭詩學十卷詩關雎
義解一部比興窮源一卷並不知作者陳寅詩傳十卷許
奕毛詩說三卷李燾詩譜三卷王應麟詩考五卷又
詩地理考五卷詩草木鳥獸蟲魚廣疏六卷輔廣詩
說一部嚴粲詩集一部王質詩總聞二十卷魏了翁
詩要義二十卷王柏詩辨說二卷又詩可言二十卷
高端叔詩說一卷曹粹中詩說三十卷項安世毛詩
前說一卷又詩解二十卷鄭庠詩古音辨一卷

右詩類八十二部一千一百二十卷

陳寅詩傳以下
不著錄十四部

二百四十五卷

儀禮十七篇高堂生傳大戴禮記十三卷

戴德禮記二十
纂

卷戴聖鄭玄古禮注十七卷又周禮注十二卷禮記
纂注二十卷禮記月令注一卷崔靈恩三禮義宗三十

卷成伯璵禮記外傳十卷

張幼倫注常形五禮精義十卷

又五禮繩書二十卷丘光庭兼明書四卷杜肅禮畧
十卷陸德明音義一卷又古禮釋文一卷賈公彥儀
禮疏五十卷又禮記疏五十卷周禮疏五十卷孔穎
達禮記正義七十卷聶崇義三禮圖集註二十卷楊

逢殷禮記音訓指說二十卷上官均曲禮講義二卷
歐陽丙三禮名義五卷魯有開三禮通義五卷殷介
集五禮極義一卷孫玉汝五禮名義十卷余希文井
田王制圖一卷胡先生中庸義一卷盛喬
纂集李洪澤直
禮一卷張詵喪禮十卷禮粹二十卷不知
王慈中禮八卷程顥中庸義一卷呂大臨大學一卷又中庸一
卷禮記傳十六卷喬執中中庸義一卷游酢中庸解
義五卷王安石新經周禮義二十二卷王昭禹周禮
詳解四十卷陸佃禮記解四十卷又禮象十五卷述
禮新說四卷儀禮義十七卷何洵直禮論一卷陸佃

大乘議一卷郭忠孝中庸說一卷龔原周禮圖十卷
郭雍中庸說一卷陳祥道註解儀禮三十二卷又禮
例詳解十卷禮書一百五十卷陳暘禮記解義十卷
李格非禮記精義十六卷楊時周禮義辨疑一卷又
中庸解一卷喻樗大學解一卷司馬光等六家中庸
大學解義一卷江與山周禮秋官講義一卷馬希孟
禮記解七十卷四先生中庸解義一卷程頤呂大臨
游酢楊時撰
方慤禮記解義二十卷王普深衣制度一卷夏休周
禮井田譜二十卷破禮記二十卷周燔儀禮詳解十
七卷李如圭儀禮集釋十七卷史浩周官講義十四

卷鄭譯周禮解義二十二卷黃度周禮說五卷徐煥
周官辨畧十八卷陳傳良周禮說一卷徐行周禮微
言十卷易祓周禮總義三十六卷朱熹儀禮經傳通
解二十三卷又大學章句一卷或問二卷中庸章句
一卷或問二卷中庸輯畧二卷十先生中庸集解二
卷序朱熹三家冠婚喪祭禮五卷同馬光程
張載定吳仁傑禘
祫綿蕞書三卷劉彊周禮中義十卷張九成中庸說
一卷大學說一卷戴溪曲禮口義二卷
學記口義
司馬光中庸
大學廣義一卷錢文子中庸集傳一卷胡銓禮記傳
十八卷又周禮傳十二卷二禮講義一卷倪思中庸

集義一卷汪應辰二經雅言二卷張淳儀禮識誤一
卷俞庭椿周禮復古編三卷黃幹續儀禮經傳通解
二十九卷又儀禮集傳集註十四卷林楷周禮綱目
八卷摭說一卷鄭景炎周禮開方圖說一卷李心傳
丁丑三禮辨二十三卷鄭伯謙太平經國書統集七
卷鄭氏三禮名義疏五卷不著又三禮圖十二卷江
都集禮圖五十卷三禮圖駁議二十卷儀禮類例十
卷周禮類例義斷二卷二禮分門統要三十六卷禮
記小疏二十卷益不知石塾中庸集解二卷項安世
中庸說一卷又周禮丘乘圖說一卷衛湜禮記集說

一百六十卷楊簡孔子閒居講義一卷鄭樵鄉飲禮
七卷張處月令解十二卷晁公武中庸大傳一卷楊
復儀禮圖解十七卷魏了翁儀禮要義五十卷又禮
記要義三十三卷周禮折衷二卷周禮要義三十卷
趙順孫中庸纂疏三卷袁甫中庸詳說二卷陳堯道
中庸說十三卷又大學說十一卷真德秀大學衍義
四十三卷謝興甫中庸大學講義三卷王與之周禮
訂義八十卷王應麟集解踐祚篇一冊

右禮類一百十三部一千三百九十九卷

石塾中庸
集解以下

不著錄四百六十九卷

蔡琰胡笳十八拍四卷孔衍琴操引三卷謝莊琴論
一卷梁武帝鍾律綱一卷陳僧智匠古今樂錄十三
卷趙邦利彈琴手勢譜一卷又彈琴右手法一卷唐
玄宗金風樂弄一卷太宗九絃琴譜二十卷琴譜六
卷唐宗廟用樂儀一卷唐肅明皇后廟用樂儀一卷
崔令欽教坊記一卷吳兢樂府古題要解二卷王昌
齡續樂府古解題一卷劉貺大樂令壁記三卷大樂
圖義一卷不知作者田琦聲律要訣十卷薛易簡琴譜一
卷段安節琵琶錄一卷又樂府雜錄二卷樂府古題
一卷陸鴻漸教坊錄一卷李勉琴說一卷陳拙琴籍

九卷徐景安新纂樂書三十卷趙惟簡琴書三卷宋
仁宗明堂新曲譜一卷又景祐樂髓新經一卷審樂
要記二卷徽宗黃鍾徵角調二卷沈括樂論一卷又
樂器圖一卷三樂譜一卷樂律一卷馮元宋郊景祐
廣樂記八十一卷宋祁大樂圖一卷聶崇義景祐大
樂圖二十卷劉次莊樂府集十卷樂府集序解一卷
大周正樂八十八卷嚴訛代周竇論蜀雅樂儀三十卷房
庶補亡樂書總要三卷真館飲福等一卷蔡攸燕樂
三十四冊范鎮新定樂法一卷崔遵度琴箋一卷李
宗謗樂纂一卷陳康士琴調三卷又琴調十七卷琴

書正聲十卷琴調十七卷琴譜記一卷琴調譜一卷

楚調五章一卷離騷譜一卷李約琴曲東杓譜序一

卷琴調廣陵散譜一卷獨孤寔九調譜一卷齊嵩琴

雅畧一卷僧辨正琴正聲九弄九卷朱文齊琴雜調

譜十二卷蕭祐一作無射商九調譜一卷呂謂一作濱

廣陵止息譜一卷張淡正琴譜一卷蔡翼琴調一卷

僧道英琴德譜一卷王邈琴譜一卷沈氏琴書一卷

失琴譜調八卷李翱用指法琴畧一卷琴式圖一卷琴譜

纂要五卷胡瑗景祐樂府奏議一卷又皇祐樂府奏

議一卷阮逸皇祐新樂圖記三卷陳賜樂書二百卷

僧靈操樂府詩一卷吳良輔琴譜一卷又樂書五卷
樂記三十六卷楊傑元豐新修大樂記五卷劉昺大
晟樂書二十卷又樂論八卷運譜四議二十卷政和
頒降樂曲樂章節次一卷政和大晟樂府雅樂圖一
卷鄭樵系聲樂譜二十四卷李南玉古今大樂指掌
三卷郭茂倩樂府詩集一百卷李昌文阮咸弄譜一
卷滕康叔韶武遺音一卷麴瞻琴聲律二卷又琴圖
一卷令狐揆樂要三卷王大方琴聲韻圖一卷昭微
古今琴樣一卷劉籍琴義一卷沈建樂府廣題二卷
馬少良琴譜三均三卷喻修樞阮咸譜一卷吳仁傑

樂舞新書二卷蔡元定律呂新書二卷李如箎樂書
一卷琴說一卷古樂府十卷趙德先樂說三卷又樂
書三十卷歷代樂儀三十卷樂苑五卷琴箋知音操
一卷樂府題解一卷大樂署三卷歷代歌詞六卷律
呂圖一卷倣蔡琰胡笳十八拍並不知作者

右樂類一百十一部一千七卷

春秋七卷正經杜預春秋左氏傳經傳集解三十卷又
春秋釋例十五卷何休公羊傳十二卷又左氏膏肓
十卷范寧穀梁傳十二卷董仲舒春秋繁露十七卷
汲冢師春一卷師春純集疏左傳卜筮事荀卿公子姓譜二卷一名

帝王歷紀譜

劉炫春秋述議略一卷又春秋義囊二卷孔

穎達春秋左氏傳正義三十六卷公羊疏三十卷楊

士助春秋穀梁疏十二卷黃恭密春秋指要圖一卷

李瑾春秋指掌圖十五卷陳岳春秋折衷論三十卷

春秋災異錄六卷春秋通例三卷趙匡春秋闡微纂類

文八卷陸希聲春秋通例三卷陸德明三傳釋

義統十卷陸淳集傳春秋纂例十卷又春秋辨疑七

卷集註春秋微旨三卷盧仝春秋摘微四卷楊蘊春

秋公子譜一卷左丘明春秋外傳國語二十一卷

韋昭

注柳宗元非國語二卷葉真是國語七卷馮繼先春

春秋名號歸一圖又春秋名字同異錄五卷杜預春秋世譜七卷張煊春秋龜鑑圖一卷馬擇言春秋要類五卷徐彥公羊疏三十卷葉清臣春秋纂類十卷孫復春秋尊王發微十二卷春秋總論一卷李堯俞春秋集議略論二卷王公春秋集傳十五卷章拱之春秋統微二十五卷王哲春秋通義十二卷又皇綱論五卷丁副春秋演聖統例二十卷春秋三傳異同字一卷朱定序春秋索隱五卷杜誣春秋會義二十六卷朱瑗春秋口義五卷劉敞春秋傳十五卷又春秋權衡十七卷春秋說例十一卷春秋意林二卷蘇

轍春秋集傳十二卷王安石左氏解一卷楊彥齡左
氏春秋集表二卷又左氏蒙求二卷沈括春秋機括
二卷趙瞻春秋論三十卷又春秋經解義例二十卷
唐既濟春秋邦典二卷孫覺春秋經社要義六卷春
秋經解十五卷春秋學纂十二卷晁補之左氏春秋
傳雜論一卷劉攽內傳國語十卷春秋人譜一卷孫
平練明道同撰朱長文春秋通志二十卷家安國春秋通義
二十四卷張大亨春秋通訓十六卷又五禮例宗十
卷陸佃春秋傳二十卷又補遺一卷程頤春秋傳一
卷黎錞春秋經解十二卷王裴春秋義解十二卷張

荀德春秋傳類音十卷韓台春秋左氏傳口音三卷
陳德寧公羊新例十四卷又穀梁新例六卷陰洪道
注春秋叙一卷張翰幹_{一作孝}春秋排門顯義十卷李撰
春秋總要十卷袁希孝_{一作政}春秋要類五卷張德昌
春秋傳類十卷沈緯春秋諫類二卷郭翔春秋義鑑
三十卷王仲孚春秋類聚五卷黃彬春秋叙鑑三卷
春秋精義三十卷洪勲春秋圖鑑五卷春秋加減一
卷王叡春秋守鑑一卷春秋龜鑑一卷張傑春秋指
玄十卷塗昭良春秋科義雄覽十卷春秋應判三十
卷丁裔昌春秋解問一卷邵川春秋括義三卷劉英

春秋列國圖一卷春秋十二國年曆一卷謝壁春秋
綴英二卷李塗春秋事對五卷蔡延龜注春秋扶懸三卷

春秋比事三卷春秋要義十卷春秋策問三十卷春

秋夾氏三十卷李融春秋樞宗十卷姜處嗣春秋三

傳纂要二十卷惠簡春秋通畧全義十五卷元保宗

春秋事要十卷鞏濬一作潛春秋琢瑕一卷張傳靖左

傳編紀十卷崔昇春秋分門屬類賦三卷楊均裴光

輔春秋機要賦一卷尹玉羽卿春秋音義賦十卷遂

浪又春秋字源賦二卷楊文舉注李象續春秋機要賦一

卷玉霄春秋括囊賦集注一卷王鄒彥春秋蒙求五

卷張傑春秋圖五卷春秋指掌圖二卷蹇遵品左傳
引帖斷義十卷春秋纂類義統十卷本十二卷第
二第四闕春秋

秋通義十二卷春秋新義十卷春秋十二國年曆一

卷一名春秋齊年春秋文權五卷魯有開春秋指微十卷國

語音義一卷宋庠國語補音三卷林槧辨國語三卷

崔表世本圖一卷楊縕春秋年表一卷謝湜春秋義

二十四卷又總義三卷崔子方春秋經解十二卷春

秋本例例要二十卷呂奎春秋要旨十二卷吳元緒

左氏鼓吹一卷劉易春秋經解二卷吳致春秋折衷

十二卷范柔中春秋見微五卷鄒氏春秋總例一卷

謝子房春秋備對十三卷朱振春秋指要一卷又春
秋正名頤隱要旨十二卷春秋正名頤隱旨要叙論
一卷春秋講義三卷沈滋仁春秋興亡圖鑑一卷陳
禾春秋傳十二卷又春秋統論一卷任伯雨春秋繹
聖新傳十二卷鄭昂春秋臣傳三十卷鄧驥春秋指
蹤二十一卷石公孺春秋類例十二卷王當春秋列
國諸臣傳五十一卷張根春秋指南十卷李棠春秋
時論一卷葉夢得春秋讞三十卷又春秋考三十卷
春秋傳二十卷石林春秋八卷春秋指要總例二卷
胡安國春秋傳三十卷又通例一卷通旨一卷余安

行春秋新傳十二卷韓璜春秋人表一卷范仲春秋
左氏講義四卷黃叔敖春秋講義五卷洪皓春秋紀
詠三十卷胡銓春秋集善十三卷鄧名世春秋四譜
六卷辨論譜說一卷劉本春秋中論三十卷畢良史
春秋正辭二十卷環中左氏春秋二十國年表一卷
春秋列國臣子表十卷鄭樵春秋地名譜十卷又春
秋傳十二卷春秋考十二卷周彥熠春秋名義二卷
毛邦彥春秋正義十二卷王日休春秋孫復解辨失
一卷又春秋公羊辨失一卷春秋左氏辨失一卷春
秋穀梁辨失一卷春秋名義一卷董自任春秋總鑑

十二卷夏沐春秋素志三百一十五卷又春秋麟臺
獨講十一卷延陵先生講義二卷呂本中春秋解二
卷晁公武春秋故訓傳三十卷王炫春秋門例通解
十卷林栗經傳集解三十三卷時瀾左氏春秋講義
十卷徐得之左氏國紀二十卷蕭楚春秋經辨十卷
胡定春秋解十二卷林拱辰春秋傳三十卷陳傳良
春秋後傳十二卷又左氏章指三十卷王汝猷春秋
外傳十五卷程迥春秋顯微例目一卷又春秋傳二
十卷朱臨春秋私記一卷春秋外傳十卷王葆東宮
春秋講義三卷春秋集傳十五卷呂祖謙春秋集解

三十卷又左傳類編六卷左氏博議二十卷左氏說

一卷左氏博議綱目一卷

成謙門人張祖謙招標注

左氏國語類

編二卷

人所編祖謙門

沈棐春秋比事二十卷李明復春秋

集義五十卷又集義綱領二卷任公輔春秋明辨十

一卷楊簡春秋解十卷戴溪春秋講義四卷程公說

春秋分記九十卷春秋釋疑二十卷春秋考異四卷

春秋加減四卷春秋直指三卷左氏紀傳五十卷春

秋四傳二十卷春秋類六卷春秋例六卷春秋表記

一卷王侯世系一卷春秋釋例地名譜一卷春秋本

旨五卷左氏摘奇十二卷

並不作

知李渢左氏廣誨蒙

一卷章冲左氏類事始末五卷王柏左氏正傳一十
卷高端叔春秋義宗一百五十卷黎良能左氏釋疑
譜學各一卷沈樵春秋比事二十卷吳曾春秋考異
四卷又左氏發揮六卷方淑春秋直音三卷石朝英
左傳約說一卷又百論一卷黃仲炎春秋通說一十
三卷辛次膺屬辭比事五卷李孟傳左氏說十卷程
大昌演繁露六卷李熹春秋學十卷王應麟春秋三
傳會考三十六卷楊士勣春秋公穀考異五卷陸宰
春秋後傳補遺一卷趙震揆春秋類論四十卷宇文
虛中春秋紀詠三十卷王夢應春秋集義五十卷李

心傳春秋考義十三卷魏子翁春秋要義六十卷陳

藻林希逸春秋三傳正附論十三卷

右春秋類二百四十部二千七百九十九卷

王柏左氏正傳

以下不著錄二十三部四百八十八卷

古文孝經一卷

凡二十章

鄭氏註孝經一卷唐明皇註

孝經一卷元行冲孝經疏三卷蘇彬孝經疏一卷邢

昺孝經正義三卷司馬光古文孝經指解一卷又古

文孝經指解一卷趙克孝孝經傳一卷任奉古孝經

講疏一卷張元老講義一卷范祖禹古文孝經說一

卷呂惠卿孝經傳一卷吉觀國孝經新義一部

卷家亡

滋解義二卷王文獻詳解一卷林椿齡全解一卷沈
處厚解一卷趙湘孝經義一卷張師尹通義三卷張
九成解四卷朱熹刊誤一卷黃榦本旨一卷項安世
孝經說一卷馮椅古孝經輯註一卷古文孝經解一
卷袁甫孝經說三卷王行孝經同異三卷

右孝經類二十六部三十五卷

袁甫孝經說以下
不著錄二部六卷

論語十卷

何晏等集解

皇侃論語疏十卷韓愈筆解二卷

陸德明釋文一卷馬總論語樞要十卷陳銳論語品

類七卷論語井田圖一卷邢昺正義十卷周武集解

辨誤十卷宋咸增註十卷王令註十卷紀亶論語摘

科辨解十卷王安石通類一卷王雱解十卷孔武仲論語說十卷呂惠卿論語義十卷蔡申論語纂十卷蘇軾解四卷蘇轍論語拾遺一卷程頤論語說一卷劉正容重註論語十卷陳未論語傳十卷晁說之講義五卷楊時解二卷謝良佐解十卷范祖禹論語說二十卷游酢雜解一卷龔原論語解一部卷呂大臨解十卷尹焞論語解十卷又說一卷侯仲良說一卷鄒浩解十卷汪革直解十卷葉夢得釋言十卷黃祖舜解義十卷張九成解十卷吳棫續解十卷又考異一卷說例一卷喻樗玉泉論語學四卷張栻解十卷

湯烈集程氏說二卷倪思論語義証二十卷葉隆古
解義十卷洪興祖論語說十卷史浩口義二十卷薛
李宣論語小學二卷林栗論語知新十卷朱熹論語
精義十卷又集註十卷集義十卷或問二十卷論語
註義問答通釋十卷鄭汝解義十卷張演魯論明微
十卷意原十卷錢文子論語傳贊二十卷王汝猷論
語歸趣二十卷徐煥論語贊言二卷曾幾論語義二
卷陳儀之講義二卷姜得平本旨一卷論語指南一
卷

黃祖禹沈大廉明宏辨論

大

論

戴溪石鼓答問三卷東谷論語一卷

不知作者

陳著

卿

論

語記蒙六卷孔子家語十卷

魏王肅注

論

語玄義十卷論語要義十卷論語口義十卷論語展

掌疏十卷論語闡義疏十卷論語世譜三卷並不知作者

王居正論語感發十卷章良史論語探古二十卷黃
榦論語通釋十卷又論語意原一卷大圖論語大意
二十卷高端叔論語傳一卷真德秀論語集編一十

卷魏了翁論語要義一十卷

右論語類七十三部五百七十九卷

王居正論語感發以下不著錄

十八部八十二卷

周公謚法一卷

即汲冢周書謚法篇

班固白虎通十卷沈約謚

法十卷賀琛謚法三卷晉陽方五經鈞沈五卷王彥

威續古今謚法十四卷劉迅六經五卷春秋謚法一

卷即杜預春秋釋例法篇陸德明經典釋文三十卷馬光極九

經釋難五卷章崇業五經釋題雜問一卷僧十朋五

經指歸五卷蘇鄂演義十卷劉諫六說五卷兼講書

五卷授經圖三卷胡旦演聖通論六十卷劉敞七經

小傳五卷黃敏求九經餘義一百卷丘光庭兼明書

三卷李肇經史釋題二卷顏師古刊謬正俗八卷李

涪刊誤二卷九經要畧一卷叙元要畧一卷謚法三

卷六家謚法二十卷范正周流編程頤河南經說七卷又

五言集解三卷蘇洵嘉祐謚法三卷皇祐謚錄二十

卷楊會經解三十三卷劉彞七經中義一百七十卷
蔡攸政和修定謚法八十卷楊時三經義辨十卷王
居正辨學七卷鄭樵謚法三卷李舜臣諸經講義七
卷張九成鄉黨少儀咸有一德論孟子拾遺共一卷
張載經學理窟三卷項安世家說十卷附錄四卷黃
榦六經講義一卷六經疑難十四卷不知作者許奕九經
直音九卷又正訛一卷諸經正典十卷論語尚書周
禮講義十卷楊甲六經圖六卷林觀過經說一卷戴
勣西齋清選二卷葉仲堪六經圖七卷俞言六經圖
說十二卷張貴謨泮林講義三卷周士貴經括一卷

游桂經學十二卷九經經旨策義九卷

不知作者

美得平

詩書遺意一卷沈貴璗四書要義七篇張九成中庸

大學孝經說各一卷又四書解六十五卷張綱六經

辨疑五卷又確論十卷李燾五經傳授一卷王應麟

六經天文編六卷陳應隆四書輯語四十卷劉元剛

三經演義一十一卷

孝經論孟

右經解類五十八部七百五十三卷

沈貴璗四書要義以下不著錄

十九部一百四十六卷篇

爾雅三卷郭璞孔鮒小爾雅一卷楊雄方言十四卷

史游急就章一卷劉熙釋名八卷許慎說文解字十

五卷孫炎爾雅疏十卷高璉爾雅疏七卷徐錯說文
解字係傳四十卷又說文解字韻譜十卷說文解字
通釋四十卷僧雲棫補說文解字三十卷錢承志說
文正隸三十卷張揖廣雅音三卷呂忱字林五卷曹
憲博雅十卷顧野王玉篇三十卷常昭辨釋名一卷
王僧虔評書一卷梁武帝評書一卷千字文一卷

梁周

興嗣

次韻

顏之推證俗音字四卷又字始三卷虞荔鼎錄

一卷蕭該漢書音義三卷陸法言廣韻五卷唐玄宗
開元文字音義二十五卷庾肩吾書品論一卷陸德
明經典釋文三十卷又爾雅音義二卷顏元孫干祿

字書一卷李嗣真書後品一卷續古今書人優劣一
卷王之明述書後品一卷張懷瓘書詁一卷又評書
藥石論一卷六體論一卷古文大篆書祖一卷書斷
三卷顏真卿筆法一卷又韻海鑑源十六卷朱禹善
書評一卷又有唐名書贊一卷林罕字源偏傍小說
三卷金華苑二十卷張參五經文字五卷李商隱蜀
爾雅三卷顏師古急就篇注一卷虞世南筆髓法一
卷唐玄度九經字樣一卷又十體書一卷張彥遠法
書要錄十卷杜林岳集備要字錄二卷王僧虔圖書
會粹六卷呂總續古今書人優劣一卷蔡希宗法書

論一卷劉伯莊史記音義二十卷裴瑜爾雅注五卷
僧守溫清濁韻鈴一卷黃伯思東觀餘論二卷竇儀
義訓十卷崔逢玉璽譜一卷嚴士元重修宋魏損潤色郭忠恕佩
觿三卷又汚簡集七卷辨字圖四卷歸字圖一卷正
字賦一卷孫季昭決疑賦二卷徐玄三家老子音義
一卷鄭文寶玉璽記一卷景德韻畧一卷戚倫等宋詳定
高宗評書一卷亦名翰墨志邢昺爾雅疏十卷歐陽融經
典分毫正字一卷沈立稽正辨訛一卷唐耜字說集
解三十冊卷亡錢惟演飛白書敘錄一卷周越古今法
書苑十卷祝充韓文音義五十卷李舟切韻五卷丘

世隆切韻搜隱五卷劉希古切韻十五卷胡元質
西漢字類五卷陳天麟前漢通用古字韻編五卷陳
彭年等重修廣韻五卷韻詮十四卷僧師悅韻關一
卷丘雍校定韻畧五卷韻選五卷韻源一卷孫恒唐
韻五卷天寶元年集切韻五卷釋智猷辨體補修加
字切韻五卷丁度切韻十卷又景祐禮部韻畧五卷
墨叢不知一卷作者賈昌朝群經音辨三卷夏竦重校古
文四聲韻五卷又聲韻圖一卷司馬光切韻指掌圖
一卷又類編四十四卷劉溫潤羌爾雅一卷宋初摘
粹一卷歐陽脩集古錄跋尾六卷又二卷句中正雍

熙廣韻一百卷序例一卷又三體孝經一卷楊南仲
石經七十五卷又三體孝經一卷燕誨字傍辨誤一
卷道士謝利貞玉篇解疑三十卷象文玉篇二十卷
石懷德隸書賦一卷楮長文書指論一卷李訓範金
錄一卷翰林隱術一卷荆浩筆法一卷常氏筆寶丙
字五卷徐浩書譜一卷又古跡記一卷宋敏求寶刻
叢草三十卷劉敞先秦古器圖一卷李行中引經字
源二卷朱長文續書斷二卷王安石字說二十四卷
米芾書評一卷又寶章待訪集一卷呂大臨考古圖
十卷李公麟古器圖一卷陸佃爾雅新義二十卷埤

雅二十卷蔡京崇寧鼎書一卷張有復古編二卷政
和甲午祭禮器款識一卷王楚鍾鼎篆韻二卷吳棫
韻補五卷董衡唐書釋音二十卷竇莘唐書音訓四
卷宣和重修博古圖錄三十卷趙明誠金石錄三十
卷又別本三十卷薛尚功重廣鍾鼎篆韻七卷歷代
鍾鼎彝器款識法帖二十卷張孟押韻十卷許冠韻
海五十卷吳升童訓統類一卷鄭樵石鼓文考一卷
又字始連環二卷象類書十一卷論梵書三卷爾雅
注三卷書考六卷通志六書畧五卷鄭升卿四聲類
韻二卷又聲韻類例一卷淳熙監本禮部韻畧五卷

劉球隸韻畧七卷潘緯柳文音義三卷僧應之臨書
關要一卷呂本中童蒙訓三卷周燔六經音義十三
卷李盛六經釋文二卷黃瓊班書韻編五卷張良石
經注文考異四十卷洪适隸釋二十七卷隸續二十
一卷史浩童非湏知三卷朱熹小學之書四卷又四
子四卷程端蒙小學字訓一卷呂祖謙少儀外傳二
卷陳淳北溪字義二卷婁機班馬字韻二卷漢隸字
源六卷廣干祿字書五卷古鼎法帖五卷楊師復漢
隸釋文二卷馬居易漢隸分韻七卷翟伯壽籀文二
卷胡寅注叙古千文一卷呂氏叙古千文一卷慶元

嘉定古器圖六卷僧妙華互注集韻二十五卷羅點
清勤堂法帖六卷李從周字通一卷遼僧行均龍龕
手鑑四卷黃伯思法帖刊誤一卷釋元冲五音韻鏡
一卷施宿大觀法帖總釋二卷又石鼓音一卷蔡氏
口訣一卷名書錄一卷書隱法一卷筆陣圖一卷西
漢字類一卷篆注禮部韻畧五卷翰林禁經三卷臨
汝帖三卷筆苑文詞一卷法帖字證十卷正俗字十
卷書斷例傳五卷洪韻海源二卷互注爾雅貫類一
卷諸家小學總錄二卷集古系時十卷蕃漢語一卷

並不知作者

劉紹祐字學摭要二卷洪邁次李翰蒙求三

卷集齊彭氏小學進業廣記一部王應麟蒙訓四十
四卷又小學紺珠十卷小學諷詠四卷補注急就篇
六卷

右小學類二百六部一千五百七十二卷

劉紹祐字學據要以

下不著錄六部六十九卷

凡經類一千三百四部一萬三千六百八卷

志卷第一百五十五

志卷第一百五十六

宋史二百三

閑府儀同三司上書錄軍國重事前書奏丞相監修國史須經筵事都總裁臣脫脫等奉

勅修

藝文二

史類十三一曰正史類二曰編年類三曰別史類四
曰史鈔類五曰故事類六曰職官類七曰傳記類八
曰儀注類九曰刑法類十曰目錄類十一曰譜牒類
十二曰地理類十三曰霸史類

司馬遷史記一百三十卷

裴駟等集注

又史記一百三十

卷陳伯宣注班固漢書一百卷

顏師古注

范曄後漢書九十卷

章懷太子趙抃新校前漢書一百卷余靖漢書刊誤
李賢注三十卷劉昭補注後漢志三十卷陳壽三國志六十
五卷裴松之注旁玄齡晉書一百三十卷楊齊宣晉書音
義三卷沈約宋書一百卷蕭子顯南齊書五十九卷
姚思廉梁書五十六卷又陳書三十六卷魏收後魏
書一百三十卷魏澹後魏書紀一卷本七張太素後
魏書天文志二卷本百卷惟存此李伯藥北齊書五十卷令
狐德棻後周書五十卷顏師古隋書八十五卷柳芳
唐書一百三十卷唐書叙例目一卷劉煦唐書二百
卷歐陽脩宋祁新唐書二百五十五卷目錄一卷李

繪補注唐書二百二十五卷薛居正五代史一百五十

卷歐陽脩新五代史七十四卷

徐無黨注張守節史記正

義三十卷司馬貞史記索隱三十卷張泌漢書刊誤

一卷三劉漢書標注六卷

劉敞劉攽劉攽漢書刊誤

四卷呂夏卿唐書直筆新例一卷吳縝新唐書糾繆

二十卷又五代史纂誤三卷朱梁列傳十五卷張昭

遠後唐列傳三十卷任諒史論三卷韓子中新唐史

辨惑六十卷吳仁傑兩漢刊誤補遺十卷富弼前漢

書綱目一卷劉巨容漢書纂誤二卷汪應辰唐書列

傳辨證二十卷西漢刊誤一卷

不知作者王旦國史一百

二十卷呂夷簡宋三朝國史一百五十五卷鄧洵武
神宗正史一百二十卷王珪宋兩朝國史一百二十
卷王孝迪哲宗正史二百一十卷李燾洪邁宋四朝
國史三百五十卷宋名臣錄八卷宋勲德傳一卷宋
兩朝名臣傳三十卷咸平諸臣錄一卷熙寧諸臣傳
四卷兩朝諸臣傳三十卷並不知作者張唐英宋名臣傳
五卷葛炳奎國朝名臣叙傳二十卷

右正史類五十七部四千四百七十三卷葛炳奎國朝名臣叙

傳不著錄一
部二十卷

荀悅漢紀三十卷袁宏後漢紀三十卷胡旦漢春秋

一百卷問答一卷皇甫謐帝王世紀九卷竹書三卷

荀嶠
編
和蕭方三十國春秋三十卷孫盛晉陽春秋三十

卷杜延業晉春秋畧二十卷裴子野宋畧二十卷王通元經薛氏傳十五卷馬總通曆十卷柳芳唐曆四十卷崔龜從續唐曆二十二卷裴煜之唐太宗建元實跡一卷路惟衡帝王曆數圖十卷陳獄唐統紀一百卷丘悅三國典畧二十卷封演古今年號錄一卷薛黨大唐聖運圖畧三卷帝王照錄一卷王起五位圖三卷苗台符古今通要四卷馬永易元和錄三卷大

唐中興新書紀年三卷不知作者韋昭度續皇王寶運錄

- 十卷 程正柔大唐補紀三卷 凌璫唐錄政要十三卷
唐天祐二年日曆一卷 杜光庭古今類聚年號圖一
卷 唐創業起居注三卷溫大雅撰 唐高祖實錄二十卷許敬宗撰
房玄齡等撰 唐太宗實錄四十卷許敬宗撰 唐高宗復修實錄
三十卷 唐武后實錄二十卷 唐中宗實錄二十卷 唐
睿宗實錄十卷又五卷並劉知幾吳兢撰 唐玄宗實錄一百
卷元載令狐峘撰 唐肅宗實錄三十卷元載撰 唐代宗實錄四
十卷元載令狐峘撰 唐德宗實錄五十卷裴泊等撰 唐建中實錄十
五卷沈既濟撰 唐順宗實錄五卷韓愈撰 唐憲宗實錄四十
卷 唐穆宗實錄二十卷並路隋等撰 唐敬宗實錄十卷李讓

夷等撰

唐文宗實錄四十卷

魏纂修撰

唐武宗實錄二十卷

唐宣宗實錄三十卷

唐懿宗實錄二十五卷

唐僖宗實錄三十卷

唐哀宗實錄八卷

並宋敏求撰

五代梁太祖實錄三十卷

張衮郊象等撰

五代唐懿

宗紀年錄一卷

五代唐莊

宗實錄三十卷

並趙鳳張昭遠等撰

五代唐明宗實錄三十卷

張昭遠等撰

五代唐廢帝實

錄十七卷

張昭遠等撰

五代晉高祖實錄三十卷

五代周太祖實錄三

蘇逢等撰

少帝實錄二十卷

並竇貞固等撰

五代漢高祖實錄十卷

蘇逢等撰

五代漢隱帝實錄十五卷

五代周太祖實錄三

吉等撰

宋史二百三

卷一百五十六

四

李俊寫

十卷

並張昭尹拙
劉溫叟等撰

五代周世宗實錄四十卷

宋王溥
等撰

南唐烈祖實錄二十卷

高遠撰

後蜀高祖實錄三十卷

後蜀主實錄四十卷

並李

吳撰宋太祖實錄五十卷

李沆

修太宗實錄八十卷

錢若水修

真宗實錄一百五十卷

晏殊

修等同仁宗實錄二百卷

韓琦等修

英宗實錄三十卷

曾公亮等

修神宗實錄朱墨本三百卷

舊錄本用墨書添入者用朱書刪去者用黃抹

宋高宗日曆一千卷孝宗日曆二千卷光宗日曆三百卷

寧宗日曆五百一十卷重修五百卷神宗日錄

二百卷

趙鼎范冲重修

神宗實錄考異五卷

范冲撰

哲宗實錄

一百五十卷徽宗實錄二百卷

並湯思退進

徽宗實錄二

百卷

李燾
重修

欽宗實錄四十卷

洪邁
修

高宗實錄五百卷

傅伯壽
撰

孝宗實錄五百卷

光宗實錄一百卷

並陸游等修

寧宗實錄四百九十九冊

理宗實錄初藁一百九十二冊又日曆一百八十冊度

宗時政記七十八冊

祐事蹟日記四十五冊

孫光

憲續通曆十卷

范質五代通錄六十五卷

劉蒙叟甲

子編年二卷

顯德日曆一卷

周
龜蒙董淳

黃中撰

龔頴運曆

圖三卷

陳彭年唐紀四十卷

宋庠紀年通譜十二卷

鄭向五代開皇記三十卷

兩朝實錄大事二卷

王玉

文武賢臣治蜀編年志一卷

武密帝王興衰年代錄

二卷五代春秋一卷十代編年紀一卷

並不知

章寔

歷代統紀一卷司馬光資治通鑑三百五十四卷又

資治通鑑舉要曆八十卷通鑑前例一卷稽古錄二

十卷歷年圖六卷通鑑節要六十卷帝統編年紀事

珠璣十二卷歷代累年二卷劉恕資治通鑑外紀十

卷又疑年譜一卷通鑑問疑一卷章衡編年通載十

卷王巖叟繫年錄一卷元祐時政記一卷諸葛深紹

運圖一卷楊備歷代紀元賦一卷胡仔孔子編年五

卷朱繪歷代帝王年運銓要十卷司馬康通鑑釋文

六卷李燾續資治通鑑長編一百六十八卷又四朝

史彙五十卷江左方鎮年表十六卷混天帝王五運
圖古今湏知一卷宋政錄十二卷宋異錄一卷宋年
表一卷又年表一卷史炤資治通鑑釋文三十卷晁
公邁歷代記年十卷熊克九朝通略一百六十八卷
中興小曆四十一卷呂祖謙大事記二十七卷又宋
通鑑節五卷呂氏家塾通鑑節要二十四卷朱熹通
鑑綱目五十九卷又提要五十九卷宋聖政編年十
二卷不知汪伯彦建炎中興日曆一卷袁樞通鑑紀
事本末四十二卷喻漢卿通鑑總攷一百十二卷吳
曾南北征伐編年二十三卷徐度國紀六十五卷胡

宏皇王大紀八十卷李丙丁未錄二百卷李心傳建
炎以來繫年要錄二百卷國史英華一卷作者不知何許
甲子紀年圖一卷曾慥通鑑補遺一百篇李孟傳讀
史十卷崔敦詩通鑑要覽六十卷王應麟通鑑答問
四卷胡安國通鑑舉要補遺一百二十卷沈樞通鑑
總類二十卷張根歷代指掌編九十卷李心傳孝宗
要略初草二十三卷張公明大宋綱目一百六十七
卷洪邁節資治通鑑一百五十卷又太祖太宗本紀
三十五卷又四朝史紀三十卷又列傳一百三十五
卷黃維之太祖政要一十卷呂中國朝治迹要略十

四卷

右編年類一百五十一部一萬五百七十五卷

寧宗實錄

以下不著錄六部無卷曾慥通鑑補遺
以下不著錄十五部九百六十八卷

王瓘廣軒轅本紀一卷汲冢周書十卷郭璞注穆天

子傳六卷趙曄吳越春秋十卷皇甫遵注吳越春秋

十卷司馬彪九州春秋十卷趙瞻史記牴牾論五卷

漢書問答五卷劉瑜等東觀漢紀八卷孔衍春秋後

語十卷李延壽南史八十卷又北史一百卷元行冲

後魏國典三十卷金陵六朝記一卷王豹金陵樞要

一卷李匡又漢後隋前瞬貫圖一卷李康唐明皇政

錄十卷袁皓興元聖功錄功臣錄三十卷唐僖宗日曆一卷劉肅唐新語十三卷唐總記三卷渤海填唐廣德神異錄四十五卷歐陽廸一作炳唐錄備闡十五卷裴潾大和新脩辨謗略三卷程光榮一作柔唐補注記作紀一三卷曹玄圭唐列聖統載圖十卷郭脩唐年紀錄一卷南卓唐朝綱領圖五卷唐紀年記二卷吳兢開元名臣錄三卷又唐太宗勲史一卷唐書備闡記十卷高峻小史一百十卷許嵩建康實錄二十卷張詢古五代新說二卷劉軻帝王曆數歌一卷又唐年歷代一卷裴庭裕東觀奏記三卷新野史十卷

題顯

德元年終

南山不名子撰

張傳靖唐編記

一作紀

十卷胡旦唐乘

策

一作七

十卷王公唐志

二十一卷孫甫唐史記

七十

卷王皞唐餘錄

六十卷李匡文

兩漢至唐年紀

一

五卷王禹偁五代史

關文二卷陶岳五代史補

五卷詹

玠唐宋遺史四卷劉直方

大唐機要三十卷蘇轍古

史六十卷孫冲五代紀

七十七卷王軫五朝春秋

二

十五卷劉攽五代春秋一部

卷之二劉恕十國紀年四十

二卷常璩華陽國志十卷江南志二十卷李清臣平

南事覽二十卷吳書實錄三卷

記楊行密事

真宗聖政紀

一百五十卷又政要十卷仁宗觀文覽古圖記十卷

丁謂大中祥符奉祀記五十卷目二卷又大中祥符
迎奉聖像記二十卷目二卷李維大中祥符降聖記
五十卷目三卷王欽若天禧大禮記五十卷目二卷
呂夷簡三朝寶訓三十卷李淑三朝訓覽圖十卷錢
惟演咸平聖政錄三卷李昭遘永熙政範二卷張商
英神宗正典六卷林希兩朝寶訓二十一卷舒亶元
豐聖訓三卷六朝寶訓一部卷之三鄭居中崇寧聖政二
百五十五冊又聖政錄三百二十三冊賈緯備史六
卷史系二十卷楊九齡正史雜論十卷河洛春秋二
卷歷代善惡春秋二十卷李筌闡外春秋十卷薛韜

玉帝照一卷沈汾元類一卷楊岑皇王寶運錄三十

卷瞿

一作驥帝王受命編年錄三十卷徐虞三朝革

命錄三卷錢信皇猷錄一卷歷代鴻名錄八卷韋光

美嘉號錄一卷崔倜帝王授受圖一卷牛檢帝王事

迹相承圖三卷歷代君臣圖二卷龔穎年

一作曆運

圖八卷賈欽文古今代曆一卷張敦素通記

一作紀建

元曆二卷柳粲補注正閏位曆三卷杜光庭帝王年

代州郡長曆二卷王起五運圖一卷曹玄圭五運圖

一作錄

十二卷張洽五運元紀一卷古今帝王記十卷

衛牧帝王真偽記七卷紀年志一卷武密帝王年代

錄三十卷鄭伯邕帝王年代圖一卷又帝王年代記

三卷焦璐聖朝年代記一作紀十卷韋光羨帝王年號

圖一卷汪竒古今帝王年號錄一卷李昉歷代年號

一卷蓋君平重編史雋三十卷孫昱十二國史十二

卷西京史略二卷史記掇英五卷並不知作者鄭樵通志

二百卷蕭常續後漢書四十二卷李杞改修三國志

六十七卷陳傅良建隆編一卷一名開基事要蔡幼學宋編

年政要四十卷又宋實錄列傳舉要十二卷洪偃五

朝史述論八卷供邁孫趙甡中興遺史二十卷樓昉中

興小傳一百篇

右別史類一百二十三部二千二百十八卷

趙甡中興遺史

以下不著錄二部
一百二十卷篇

馬史精略五十六卷趙世逢兩漢類要二十卷周護三史菁英三十卷十七史贊三十卷三代說辭十卷

不知者孫玉汝南北史練選十八卷史畧三卷楊侃兩

漢博聞十二卷林鉞漢雋十卷宗諫三國採要六卷薛敬晉書金穴鈔十卷荀綽晉略九卷張陟晉略二

十卷杜延業晉春秋略二十卷晉史猶精一百三十

卷胡寅讀史管見三十卷又三國六朝攻守要論十卷趙氏六朝採要十卷杭暕金陵六朝帝王統紀一

卷薛韜玉唐要錄二卷張栻通鑑論篤四卷孫甫唐
史論斷二卷石介唐鑑五卷范祖禹唐鑑十二卷又
帝學八卷陳李雅兩漢博議十四卷李舜臣江東十
鑑一卷陳傳良西漢史鈔十七卷東萊先生西漢財
論十卷昭祖謙門人編論劉希古歷代紀要五十卷喬舜古
今語要十二卷賈昌朝通紀八十卷趙善譽讀史輿地
攷六十三卷一名輿地通鑑裴松之國史要覽二十卷鄭曉
史雋十卷曹化史書集類三卷朱黼紀年備遺正統
論一卷唯室先生兩漢論一卷陳長方張唐英唐史發
潛六卷倪遇漢論十三卷陳惇修唐史斷二十卷王

諫唐史名賢論斷二十卷程鵬唐史屬辭四卷唐帝
王號宰臣錄十卷名賢十七史確論一百四卷不知
作者
胡旦五代史略四十二卷韓保升文行錄五十卷李
璽續帝學一卷姚虞賓諸史臣謨八卷鄭少微唐史
發揮十二卷陳天麟前漢六帖十二卷陳應行讀史
明辨二十四卷又讀史明辨續集五卷師古三國志
質疑十四卷又西漢質疑十九卷東漢質疑九卷何
博士備論四卷何去
不知陳亮通鑑綱目二十三卷葉學
士唐史鈔十卷不知
名唐仲友唐史義十五卷又續唐
史精義十卷楊天惠三國人物論三卷李石世系手

記一卷兩漢著明論二十卷十二國史略三卷章華集三卷縱橫集二十卷十三代史選五十卷南史撫實韻句三卷議古八卷史譜七卷五代纂要賦一卷國朝撮要一卷約論十卷並不知作者李壽歷代宰相年表三十三卷又唐宰相譜一卷王謝世表一卷五代三衙將帥年表一卷竇濟皇朝名臣言行事對十二卷李心傳舊聞證誤十五卷龔敦順符祐本末一十卷洪邁記紹興以來所見二卷

右史鈔類七十四部一千三百二十四卷

李壽歷代宰相年表

以下不著錄八部七十五卷

班固漢武故事五卷蔡邕獨斷二卷裴烜之承祚實
跡一卷王琳魏鄭公諫錄五卷武平一景龍文館記
十卷吳兢貞觀政要十卷又開元昇平源一卷蘇瓌
中樞龜鑑一卷韓琬御史臺記十二卷韋遂集賢注
記二卷崔庭光德宗幸奉天錄一卷沈既濟選舉志
三卷馬宇鳳池錄五卷韋執誼翰林故事一卷李吉
甫元和國計略一卷劉公鉉鄴城舊事六卷韋處厚
翰林學士記一卷元稹承旨學士院記一卷李德裕
西南備邊錄一卷又兩朝獻替記二卷柳氏舊聞一
卷令狐澄貞陵遺事一卷令狐綯制表疏一卷李司

空論事七卷唐蔣皆編
李縑所論南卓綱領圖一卷鄭處誨明
皇雜錄二卷又天寶西幸略一卷吳湘事迹一卷知不
作王仁豁開元天寶遺事一卷盧駢御史臺三院因
話錄一卷柳玭續貞陵遺事一卷鄭向起居注故事
三卷蘇頌邇英要覽一部卷樂史貢舉故事二十卷
目一卷鄭略敕語堂判五卷李巨川勤王錄二卷楊
鉅翰林舊規一卷張著翰林盛事一卷李構御史臺
故事三卷李肇翰林內誌一卷又翰林志一卷蘇易
簡續翰林志二卷杜宗事迹一卷梁宣底三卷汾陰
后土故事三卷自漢至唐武成王配饗事迹二十卷並不
知作

者林勤國朝典要雜編一卷李大性典故辨疑二十
卷呂夷簡林希進五朝寶訓六十卷三朝太平寶訓
二十卷三朝訓鑒圖十卷仁宗
不知集沈詒進神宗寶訓一百卷
神宗寶訓五十卷不知姓名
不知集洪邁集哲宗寶訓六十卷
欽宗寶訓四十卷高宗聖政六十卷高宗寶訓七十卷
孝宗寶訓六十卷並國史實
錄院進史彌遠孝宗寶訓六十卷紹興求賢手詔一卷
高宗聖政編要二十卷乾道淳熙中修
不知作者宋朝大詔令二百四十卷
高宗聖政典章十卷李昉子
宗譯纂仁宗觀文鑒古圖十卷王洙祖宗故事二十卷
李淑耕籍類

事五卷林特東封西祀朝謁太清宮慶賜總例二十
六卷韓絳治平會計錄六卷李常元祐會計錄三卷
崔立故事稽疑十卷孝宗聖政五十卷彭龜年內治
聖鑒二十卷光宗聖政三十卷富弼契丹議盟別錄
五卷朱勝非秀水閑居錄二卷呂本中紫微雜記一
卷蔡絛北征紀實二卷萬俟高大后回鑾事實十卷
湯思退等永祐陵迎奉錄十卷大惟簡塞北紀實三
卷宋敏求朝貢錄二十卷張養正六朝事迹十四卷
吳彥夔六朝事迹別集十四卷韓元吉金國生辰語
錄一卷劉珙江東救荒錄五卷宋介執禮集二卷陳

曄通州鬻海錄一卷龔順正續檮錄一卷洪邁漢苑

古檮錄

群書三卷又會稽和買事宜錄七卷程大昌北邊備

對六卷慶曆邊議三卷開禧通和錄一卷開禧持書
錄二卷開禧通問本末一卷金陵叛盟記十卷

並不知作

者宋祥尊號錄一卷又掖垣叢志三卷董煟活民書

三卷又活民書拾遺一卷史館故事錄三卷五國故

事二卷並不知尉遲握中朝故事二卷孔武仲金華

講義十三卷王禹偁建隆遺事一卷田錫三朝奏議

五卷曾致堯清邊前要五十卷李至皇親故事一卷

杜鎬鑄錢故事一卷丁謂景德會計錄六卷王曙群

牧故事三卷兩朝誓書一卷

景德中興契丹往復書

辛怡顯雲

南錄三卷沈該翰林學士年表一卷蘇耆次續翰林

志一卷錢惟演金陵遺事三卷晁迥別書金坡遺事

一卷李宗諤翰林雜記一卷王旼言行錄一卷王旦

名賢遺範錄十四卷余靖國信語錄一卷李淑三朝

訓鑒圖十卷陳湜三朝逸史一卷沈立河防通議一

卷富弼救濟流民經畫事件一卷田况皇祐會計錄

六卷陳次公安南議十篇宋咸平朝制要覽十五卷李

上交近事會元五卷范鎮國朝事始一卷又東齋記

事十二卷太平盛典三十六卷國朝寶訓二十卷慶

曆會計錄二卷 經費節要八卷

並不知作者 張唐英君臣

政要四十卷 陳襄國信語錄一卷 趙槩日記一卷 司

馬光日錄三卷 鄭曾吳門水利四卷 王安石熙寧奏

對七十八卷 程師孟奏錄一卷 羅從彥宋遵堯錄八

卷 何澹歷代備覽二卷 王禹王家三世書誥一卷 司馬

光涑水記聞三十二卷 周必大鑾坡錄一卷 又淳熙

玉堂雜記一卷 陳模東宮備覽一卷 三朝政錄十二

卷 廣東西城錄一卷 交廣圖一卷

並不知作者 曾鞏宋朝

政要策一卷 畢仲衍中書備對十卷 李清臣張誠一

元豐土貢錄二卷 龍元英文昌雜錄七卷 韓絳吳充

樞密院時政記十五卷蘇安靜邊說一卷薛向邊陲利害三卷仁宗君臣政要二十卷人編不知何范祖禹仁

皇訓典六卷曾鞏德音寶訓三卷汪浹榮觀集五卷

張舜民使邊錄一卷朱匪躬館閣錄十一卷劉永壽

章獻事迹一卷曾布三朝正論二卷林虧元豐聖訓

二十卷家安國平蠻錄三卷羅琦蓬山記五卷明堂

詔書一卷不知高津鹽池錄一卷吳若虛崇聖恢儒

集三卷洪渝創業故事十二卷耿延禧建炎中興記

一卷程俱麟臺故事五卷洪興祖續史館故事錄一

卷張戒政要一卷李源三朝政要增釋二十卷歐陽

安永祖宗英睿龜鑑十卷陳騤中興館閣錄十卷趙
勰廣南市舶錄三卷嚴守則通商集三卷契丹禮物
錄一卷金華故事一卷兩朝交聘往來國書一卷並
知作臧梓

呂丞相勤王記一卷李攸通今集二十卷

又宋朝事實三十五卷袁寔麟漢制叢錄二十卷倪

思合宮嚴父書一卷詹儀之淳熙經筵日進故事一

卷又淳熙東宮日納故事一卷李心傳建炎以來朝

野雜記十一卷又朝野雜記甲集二十卷乙集二十

卷陸游聖政草一卷彭百川治迹統類四十卷又中
興治迹統類三十卷江少虞皇朝事實類苑二十六

字三百六十一

宋史志卷二十六

馬十刑

卷張綱列聖孝治類編一百卷黃度藝祖憲監三卷
又仁皇從諫錄三卷趙善譽宋朝開基要覽十四卷
右故事類一百九十八部二千九十四卷

彭百川治迹統類以

下不著錄七部
二百二十一卷

東漢百官表一卷不知作者陶彥藻職官要錄七卷又職
官要錄補遺十八卷李吉甫百司舉要一卷唐玄宗
六典三十卷杜英師唐職該一卷梁載言具員故事
十七卷大唐宰相歷任記二卷任戩官品纂要十卷
宰輔年表一卷官品式律一卷歷代官號十卷並不
知作者楊侃職林三十卷孔至道百官要望一卷閻承琬

君臣政要三十卷蒲宗孟省曹寺監事目格子四十
七卷郊殷象梁循資格一卷王涯唐循資格一卷杜
儒童中書則例一卷譚世勣本朝宰執表八卷張文
褚唐文昌損益三卷萬當世文武百官圖二卷陳繹
宰相拜罷圖一卷又樞府拜罷錄一卷三省樞密院
除目四卷司馬光百官公卿表十五卷孫逢吉職官
分紀五十卷梁勗職官品服三十三卷趙氏唐典備
對六卷不知名三省儀式一卷職事官遷除體格一卷
循資格一卷循資曆一卷唐宰相後記一卷國朝撮
要一卷宋朝宰輔拜罷圖四卷宋朝官制十一卷三

省總括五卷並不知作者王益之漢官總錄十卷又職源

五十卷宋朝相輔年表一卷

中興館閣書目云臣
繹上續表曰臣易記

蔡

元道祖宗官制舊典三卷趙隣幾史氏懋官志五卷

趙曄宋官制正誤沿革職官記三卷何異中興百官

題名五十卷龔頤正宋特命錄一卷司馬光官制遺

藁一卷徐自明宰輔編年錄二十卷蔡幼學續百官

公卿表二十卷又續百官表質疑十卷曾三異宋新

舊官制通攷十卷又宋新舊官制通釋二卷范仲宰

輔拜罷錄二十四卷徐均漢官考四卷董正工職官

源流五卷金國明昌官制新格一卷不知人撰何楊王休

諸史闡疑三卷趙粹中史評五卷王應麟通鑑地理
攷一百卷又通鑑地理通釋十四卷又漢藝文志攷
證十卷又漢制攷四卷

右職官類五十六部五百七十八卷

楊王休諸史闡疑以不著錄

六部一百三十卷

劉向古列女傳九卷漢武內傳二卷不知郭憲洞冥記四卷班昭女戒一卷伶玄趙飛燕外傳一卷皇甫謐高士傳十卷袁宏正始名士傳二卷葛洪西京雜記六卷習鑿齒襄陽耆舊記五卷蕭韶大清紀十卷杜寶大業雜記十卷劉諫國史異纂三卷梁載言梁

四公記一卷趙毅大業略記三卷顏師古大業拾遺
一卷賈潤甫李密傳三卷李筌中台志十卷杜儒童
隋季革命記五卷隋平陳記一卷魏徵隋靖列傳一
卷徐浩廬陵王傳一卷劉仁軌河洛行年記十卷李
怒已誠子拾遺四卷越國公行狀一卷唐鍾紹陳翃
郭令公家傳十卷又忠武公將佐略一卷殷亮顏杲
卿家傳一卷又顏真卿行狀一卷李邕狄梁公家傳
一卷包諭河洛春秋二卷陳鴻東城父老傳一卷張
騫朝野僉載二十卷又僉載補遺三卷李匡文明皇
幸蜀廣記圖二卷郭湜高力士外傳一卷姚汝能安

祿山事迹三卷三朝遺事一卷

載張說姚崇宋璟事不知作者

甘伯

宗名醫傳七卷臨川名

一作賢

士賢

一作名

迹傳三卷李

淑

一作渤海

六賢傳一卷孫仲遺士傳一卷賢牧傳十五

卷張茂樞張氏家傳三卷吳操蔣子文傳一卷王方

慶魏玄成傳一卷郭元振傳一卷范質桑維翰傳三

卷李翰張中丞外傳一卷溫龠

一作龠

天寶亂離記一

卷劉諫

一作練

國朝傳記三卷賀楚奉天記一卷大和

摧兒記一卷楊棲白南行記一卷王坤僖宗幸蜀記

一卷牛朴登庸記一卷江文秉都洛私記十卷胡嶠

陷遼記三卷元澄秦京内外雜記一卷蜀記一卷西

戎記二卷顏師古解豸記一卷靜亂安邦記一卷睢
陽得死集一卷載張巡許遠事不知作者沈既濟江淮記亂一卷

李公佐建中河朔記六卷陳岠朝廷卓絕事記一卷

谷況燕南記三卷鄭澥涼國公平蔡錄一卷李涪判
誤一卷陸贊玄宗編遺錄二卷韓昱壺闡錄三卷林

恩補國史五卷馬總唐年小錄六卷杜祐實佐記一

卷陳諫等彭城公事迹三卷王昌齡瑞應圖一卷路

隋平淮西記一卷又邠志三卷李肇國史補三卷李
潛用乙卯記一卷房千里投荒雜錄一卷李繁鄴侯

家傳十卷李石開成承詔錄二卷李德裕異域歸忠

傳二卷又大和辨謗略三卷會昌伐叛記一卷高少
逸四夷朝貢錄十卷李商隱李長吉小傳五卷蔡京
王貴妃傳一卷李璋太原事蹟雜記十三卷張雲咸
通庚寅解圍錄一卷鄭樵彭門紀亂三卷韓偓金鑾
密記一卷朱朴日曆一卷李氏大聖列聖園陵記一
卷不知名丘旭賓朋宴語一卷盧言雜說一卷于政立
類林十卷李奕唐登科記一卷唐顯慶登科記五卷
徐鋗登科記十五卷樂史登科記三十卷登科記一
卷登科記二卷起建隆至宣和四年張觀二十二國祥異記三
卷徐岱山奉天記一卷徽宗宣和殿記一卷又嵩山崇

福記一卷太清樓特宴記一卷筠莊縱鶴宣和閣記
一卷宴延福宮承平殿記一卷明堂記一卷艮嶽記
一卷陳繹東西府記一卷沈立都水記二百卷又名
山記一百卷章惇導洛通汴記一卷李清臣重修都
城記一卷王革天泉河記一卷上黨記叛一卷宋巨
宗拒明皇幸蜀錄一卷趙源一奉天錄四卷陸贊遣
使錄一卷李繁北荒君長錄三卷陸希聲北戶雜錄
三卷蘇特時一作唐代衣冠盛事錄一卷鄭言平刻錄
一卷復交趾錄二卷哥舒翰幕府故吏錄一卷李巨
川許國公勳王錄三卷乾明寧一作會稽錄一卷三楚

新錄一卷英雄佐命錄一卷世宗征淮錄一卷濠州
干戈錄一卷樂史孝悌錄二十卷讚五卷曹希達

一作

逢孝感義聞錄三卷張續建中西狩錄一卷元宏錢

塘平越州錄一卷潘氏家錄一卷潘羨行狀告辭胡訥孝行

一卷

錄二卷又賢惠錄二卷民表錄三卷李陞登封誥成

錄一百卷凌准邠志二卷郭廷晦妖亂志三卷韋琯

國相事狀七卷雲南事狀一卷劉中州事迹一卷魏

玄成故事三卷趙寅趙君錫遺事一卷楊時開成紀

事二卷楊九齡桂堂編事二十卷范鎮東齋記事十

二卷李隱隨一作唐記奇事十卷史演咸寧王定難實

序一卷登科記解題二十卷樂史廣孝悌一作新書五

十卷危高孝子拾遺十卷紹興名臣正論一卷

題蕭樵

夫呂頤浩遺事一卷

順浩處大槩出

呂頤浩逢辰記一卷

順浩

歷官次序朱勝非年表一卷

勝非孫上

朱勝非行狀一卷

劉岑

撰奉神述一卷

真宗

史浩會稽先賢祠傳贊二卷

張

栻諸葛武侯傳一卷趙彥博昭明事實二卷呂文靖

公事狀一卷

不知作者

王巖叟韓忠獻公別錄一卷

韓忠

獻公家傳一卷

韓琦五世孫庚卿作

呂祖謙歐公本末四卷

韓

莊敏公遺事一卷

韓宗武記

邵伯溫邵氏辨誣三卷薛齊

誼六一居士年譜一卷胡剛中家傳一卷

男胡興宗撰

黃

璞閩中名士傳一卷岳珂顥天辨訏五卷李納等張忠文節誼錄一卷陳辟种師道事迹一卷張琰种師道祠堂碑一卷談氏家傳一卷撰王淹槐庭濟美

錄十卷英顯張侯平寇錄一卷作者不知洪适五代登科

記一卷周鑄史越王言行錄十二卷劉氏傳忠錄三

卷劉學裘撰陳瓘墓誌一卷撰了齋陳先生言行錄一卷

正同編趙文定公遺事一卷不知何人編常諫議長洲政

事錄一卷常安民撰朱文公行狀一卷撰黃榦李皇趙鼎行

狀三卷岳珂鄂國金佗粹編二十八卷吳柔勝宗澤

行實十卷李朴豐清敏遺事一卷劉岳李魏傳二卷

張頴撰 劉球劉鄜王事實一十卷 尹機宿州事實一卷

石茂良避羌夜話一卷 又靖康錄一卷 中興禦侮錄

一卷 皇華錄一卷 南北歡盟錄一卷 奒夷謀夏錄二

卷並不知作者一卷 張師頴金虜南遷錄一卷 張棣金亮講和

事迹一卷 洪遵泉志十五卷 張甲浸銅要錄一卷 姚

康唐登科記十五卷 馬宇段公別集二卷 張陵唐年

經略志十卷 柳玭柳氏序訓一卷 柳程柳氏家學一

卷 李躍嵐齋集一卷 段公路北戶雜錄一卷 鄭暉蜀

記三卷 野史甘露新記二卷 謂行錄一卷 大和野史

三卷 逸史一卷 拓跋記一卷 文場盛事一卷 楊妃外

傳一卷

並不知作者

蕭時和天祚永歸記一卷薛國存河

南記二卷

李綽張尚書故實一卷劉昶嶺外錄異三

卷王振汴水滔天錄一卷王權汴州記一卷高若拙

後史補三卷黃彬莊宗召禍記一卷晉朝陷蕃記一

卷王仁裕入洛記一卷又南行記一卷崔氏登科記

不作散余知古渚宮舊事十卷張昭太康平吳錄二

卷王仁裕入洛記一卷又南行記一卷崔氏登科記

不作散范質魏公家傳三卷趙普飛龍記一卷勾

延慶成都理亂記八卷錢儼戊申英政錄一卷閻自

若唐宋汎聞錄一卷曹彬別傳一卷

曹彬之孫偃撰陳承韞

南越記一卷蔣之奇廣州十賢贊一卷安德裕滕王

廣傳一卷王延德西州使程記一卷張緒續錦里耆

舊傳十卷沈立奉使二浙雜記一卷路政乘輶錄一

卷李畋孔子弟子贊傳六十卷又乖崖語錄一卷

張載

詠政張齊賢洛陽搢紳舊聞記五卷張達蜀寇亂小

錄一卷曾致堯廣中台記八十卷又綠珠傳一卷許

載吳唐拾遺錄十卷樂史唐滕王外傳一卷又李白

外傳一卷洞僊集一卷許邁傳一卷楊貴妃遺事二

卷題岷山李昉談錄一卷譯撰潘美事迹一卷平蜀

錄一卷國朝名將行狀四卷議盟記一卷寇準遺事

一卷丁謂談錄一卷郭贊傳畧一卷並不知作者任升梁

益記十卷錢惟演錢倅貢奉錄一卷王旦遺事一卷
王素
寇瑊奉使錄一卷王皞唐餘錄六十卷蔡元翰
唐制舉科目圖一卷劉渙西行記一卷王曾筆錄一
卷富弼奉使語錄二卷又奉使別錄一卷王曙戴斗
奉使錄一卷燕北會要錄一卷虜庭雜記十四卷契
丹湏知一卷陰山雜錄十五卷契丹實錄一卷學士
年表一卷韓琦遺事一卷孫沔遺事一卷並不知作者歐
陽脩歸田錄八卷王起甘陵誅叛錄一卷趙勰廣州
牧守記十卷又交趾事迹八卷曹叔卿儂智高一卷
滕甫征南錄一卷馮炳皇祐平蠻記二卷劉敞使北

語錄一卷宋景文公筆記五卷

契丹官儀及碧雲霞附

宋敏求

三川官下記二卷又諱行後錄五卷入番錄二卷春

明退朝錄三卷韓正彥韓琦家傳十卷韓漳愛棠集

二卷趙寅韓琦事實一卷杜滋談錄一卷

杜師秦李等撰

復圭李氏家傳三卷朱定國歸田後錄十卷陳昉北

庭湏知二卷王通元經薛氏傳十五卷宋如愚劖南

湏知十卷黃靖國再生傳一卷

廖子孟撰

曾肇行述一卷

楊時撰

韓琦別錄三卷

王嵒叟撰

章邦

傑章氏家傳德慶編一卷胡氏家傳錄一卷

不知作者

南劉氏家傳二卷

劉唐老上

李遠青唐錄一卷李格非永

洛城記一卷又洛陽名園記一卷趙君錫遺事一卷

趙演撰

蘇轍儋耳手澤一卷穎濱遺老傳二卷蔡京黨

人記一卷吳栻雞林記二十卷王雲雞林志三十卷

韓文公歷官記一卷

程俱撰

羅誘一作宜春傳信錄三

卷呂希哲呂氏家塾廣記一卷安燾行狀一卷

榮輯撰

馬永易壽春雜志一卷李季興東北諸蕃樞要二卷

何述溫陵張賢母傳一卷洪興祖韓子年譜一卷孔
傳關里祖庭記三卷又東家雜記二卷趙令時侯鯖

錄一卷王襄南陽先生傳二十卷鄭熊番禹雜記三

卷范太史遺事一卷范祖禹家傳八卷

並范琦定

朱史二百三

策事一卷

韓肖胄撰

喻子材豐公逸事一卷

劉安世譚錄

一卷

韓瓘撰

种諤傳一卷

趙起撰

劉棐孝行錄二卷

汪若

海中山麟書一卷

胡瑗撰

言行錄一卷

關注撰

胡程道護

錄一卷

劉安世撰

言行錄二卷

范純仁

言行錄三卷

使

高麗事纂

二卷

平燕錄一卷

三蘇言行五卷

並不知作者

趙世卿安南邊說

五卷

洪适宋登科記二十一卷

董

正工續家訓

八卷

洪邁皇族登科題名一卷

俞觀能

孝悌類鑒

七卷

馮忠嘉海道記一卷

淮西記一卷

朱熹五朝名臣

言行錄十卷

又三朝名臣言行錄十四

卷四朝名臣

言行錄十六卷

四朝名臣言行續錄十

卷

並不知人編

呂祖謙閻範三卷費樞廉吏傳十卷徐虔

郤掃編三卷張景儉嵩嶽記三卷史愿北遼遺事二
卷張隱文士傳五卷郴州記一卷洪厓先生傳一卷
開運陷虜事迹一卷殊俗異聞集一卷契丹機宜通

要四卷契丹事迹一卷古今家誠二卷南嶽要錄一

卷豪異松錄一卷燕北雜錄一卷遼登科記一卷三

國史記五十卷並不知人編高得相海東三國通曆十二

卷金富軾奉使語錄一卷董弁誕聖錄三卷王安石

舒王日錄十二卷倪思北征錄七卷張舜民郴行錄
一卷關耆孫建隆垂統畧一卷張浚建炎復辟平江

寶錄一卷龔頤正清江三孔先生列傳譜述一卷邵
道溫邵氏聞見錄一卷陸游老學菴筆記一卷陳師
綱近世厚德錄一卷安丙靖蜀編四卷張九成無垢
心傳錄十二卷黎良能讀書日錄五卷賀成大濂湘
師友錄三十三卷汪藻裔夷謀夏錄三卷又青唐錄
三卷晁公武稽古後錄三十五卷又昭德堂藁六十
卷讀書志二十卷嵩高樵唱二卷范成大吳門志五
十卷又攬轡錄一卷驂鸞錄一卷虞衡志一卷吳船
志一卷洪邁贅藁三十八卷又詞科進卷六卷蘇黃

押韻三十二卷張綱見聞錄五卷吳芾湖山遺老傳

一卷李燾陶潛新傳三卷又趙普別傳一卷

右傳記類四百一部一千九百六十四卷

張九成無垢心傳錄

以下不著錄二十
一部三百十二卷

志卷第一百五十六